

११४

दर्ता नं.: ४८/२०७६/७७

पुखां दयक तकागु सम्पति, भीगु कला व संस्कृति
पिकाक-भक्तपुर नगरपालिका



नेपाल संवत् ११४३ अनालाथ्व / २०८० साउन १५ / 2023 July / त्या: दद, दौँ५



नेमकिपाया नायो भाजु
नाशायणमान षिजुक्छे (कोहित) ठपां
विनियोँ नेता यूझान वियाच्युन ढब्बपय

चिनियाँ राजदूत छान स्वड जू याता प्रमुख प्रजापति जु पाखं लसकुस
(२०८० साउन ६ गते)



भीमेश्वर नगरपालिकाया जनप्रतिनिधि वासु श्रेष्ठ ख्वप नगरपालिकाय्
(२०८० साउन ४ गते)



विदेशी भाय स्यनयगु छगु बालागु पला

खप नगरपालिकां विदेशी भाय स्यनयगु ज्या हकनं न्हयाकल। पर्यटकपुं छक मवसेमगागु थाय अथेधाय गन्तब्यस्थल काथं हज्याडः च्वंगु खप नगरपालिकां थी थी विदेशी भायत स्यनयगु ज्या न्हयाकगु च्वछाय बहगु ज्या खः। थजगु ज्या नकतिनिजक न्हयाकगु धःसा मखु। २०५४ सालय त्याकः वांपुं जनप्रतिनिधिपिसं उब्ले हे थव मद्यक मज्य धायगु मति तयो जापानी व चिनियाँ भाय स्यनयगु ज्या याडः द्यगु खः। खप नगरपालिका वहे लाँपुं मदिक्क हज्याडः च्वंगु जक खः।

थुगुसी जापानी भाय सय्केता नां च्वकपुं जक १०५ म्हा अलय चिनियाँ भाय सय्किपुं द४ म्हा दःगु खाँ नगरपालिकां धःगु दः। चिनियाँ भाय स्यनयगु ज्या न्हयाकय धुंकलसा जापानी भाय स्यनयगु साउन १५ गते निसे न्हयाकिगु खाँ क्वछिय धुंकगु दः। विदेशी भाय स, स्यू थू पुं अपलं दःसा हलिमयया न्हयागु देशं वपुं पर्यटकपुं जूसां खप देशय वइबलय अःपुगु मति तै। अः खप नगरय खप नगरपालिकां तालिम ब्यूपुं ६३/६४ म्हा लाँ जुव पुं ज्या साडः च्वंगु दः।

एसईई पास जूपुं निसे स्नातक व स्नाकोतर तगिं ब्वडः च्वंपु ब्वनामिपुं नपां उगु भाय सय्केगु कक्षाय दुतिडः च्वंगु दः। अमिता जापानी, चिनियाँ व मेमेगु भाय नपां उगु देया भूगोल, इतिहास, राजनीति नपां स्वापु दःगु विषय खय नं ब्वनयगु ब्वंकयगु यायमः। भाय सय्कः विदेशय वानयगु स्वयो नेपालय वपुं विदेशीतयता बालाक ब्यवहार यायगु, अपलं अपः विदेशीत नेपालय दुकायगुलि योगदान यायगु, अलय देशया अर्थतन्त्र तलाकयता थः थः गु थासं योगदान याकयता मन च्वछायकेगु ज्या मयासें मगा। थी थी भायया लोकहवागु साहित्यत नेपाली भाषं भायहिलः नेपाली ब्वनामिपिथाय थ्यंकय फःसा तहांगु योगदान जुई। सायद खप नगरपालिकां थजगु हे च्वछायवहगु मति तयो विदेशी भाय स्यनयगु ज्या हछ्यागु जुयमः।

अः चिनियाँ, जापानी भाय जक मखु नेपाल भाषा, नेपाली भाय, फेन्च, इटाली व मेमेगु भाय नं नगरपालिकां स्यू स्यू वानय मः। नेपाल भाषा व नेपाली भाय सय्केता नेपः मित जक मखु थी थी मेमेगु देशं नं आनाया नागरिकत वई। उकिया लागिं नगरपालिकां व्यवस्थित पाठ्यक्रम दयके मः।

भाय स्यनयगु विषययाय नं पाठ्यक्रमत दयकः नियमः काथं जाँच कायो थी थी तगिं (लेभल) या कक्षात चायके फःसा त्रिभूवन विश्वविद्यालयया विश्वभाषा क्याम्पस चायक थें खप नगरपालिकाया भाषा क्याम्पस थें हछ्याय फैगु तहांगु सम्भावना दः। खप नगरपालिकाया शिक्षा समितिया दुजः पिसं भाय स्यनयगु कक्षा जक मदिकसे न्हयाकयगु मखुसे भाषा क्याम्पसकाथं हछ्यायगु नं बिचः याइगु आशा याय।

पिकाक-खप नगरपालिका/सम्पादक-आशाकुमार चिकंबज्जार, डेस्कटप-धन लक्ष्मी त्यात, आवरण सज्जा-रेणु धवज्, थाकू- भक्तपुर अफसेट प्रिन्टर्स फोन ल्या: ०१-६६१३०४३, इ-मेल- khwopapau@gmail.com



चीन यात्रा

- नारायणमान बिजुवर्धे (रोहित)

याइगु व्यवहारयां गुब्लैं हे अंग्रेजतय्सं भारतीय तय्ता याता खैमखु । न्हयाक्व हे कहर नयो जूसां हावडाय् यां थ्यंकः वानय् धुन । मिखां हे हाय्येमरुगु मन्युया हुलखाडः मिखालय छक पुलुपुलू की हे प्याहाँ वगु थें जुल । अथे अथें वाताहाँ च्वडा । आखिर नेघौ-स्वघौ लिपा पुलिसया घच्यापुगु व्यवहार व मखुगु थाय् क्यंसां छम्हा द्वनामिया ग्वाहालीं ट्रामय् च्वड 'स्टुडेण्ट हेल्थ होम' थ्यंकः वाडा । थाना च्वंपुं पुलितय्गु घच्यापुगु व्यवहार व यत्थे पात्थे साडः जुइगु अजिम्मेवारी ज्या खाडः भारतया पुलिसतय्गु मनय् वर्थे बांला धायो च्वंगु आदर्शया गफ यो जुइपुं (बकम्फुसे पिन्ता) फय्यगां तय्ता गुब्लैं नेपालय ल्याहाँ वयो लिसः बिय धायथें च्वन ।

छन्हु न्हिच्छ भासुलांक्य धूक वंगाली पासापुं नपां
कलकत्ताया स्वय लाइकग् तःग थासय चाहय वाडा ।

चान्ह्यं न न्हयाथाय् न उपद्रो, चहपह अपलं याडः च्वंगु
 दः । तः तः खागु छृत्, तः तः ब्यागु ताः ता हाकगु लाँत् म्वः म्वः
 मनूत् बिजुली मताया भिलिमिली व मालसामानया विजापनत
 च्यापुकपुं मनूतथें स्वय हे थाकु । घच्यापुडः बान्ता हे वैला धाय् थें
 चवंकः चहः पहः, संसद भवन, गर्भनर भवन, पार्कत व मेमेगु स्वय
 हायँपुगु थाय् ता न स्वया । बजारत मध्ये न्हँगु बजारय् विशेष काथं
 भिलिमिली याडः छाय् पियो तःगु दः । हयोंगु वंगु, वाँचुगु सारीत
 छव्यो तःगु लिप्टीक व पाउडरया (गन्ध) न्हाय् थुंडिगु, ऐलाया
 छव्सा थानाया बजारया विशेषता खः । नोट व धेबाया काल बिल,
 शुभ-लाभया न्हयपतय् स्वं पुयो जुइगु हे थानाया न्हयपं यंकः न्यनय्
 दैगु सङ्घीत खः ऐला व रेशमया प्यास मतांपिनिगु छव्थां (मुड़)
 च्वनिगु थानाया निचोड खः थानाया सुन्दर बजारयां, धेबा दःपिनिगू
 छगु इन्द्रलोक ।

कन्हय खुनुं हेल्थ होमया पासापिसं जिता बुखाँ पौ तक्यना
 ‘स्वाधीनता’ । नसात मद्यो नयमखांग्या विरुद्ध्य जुगु आन्दोलनय
 सीपुं शहीदपिनिगु लासं जःगु किपा हे उगू बंगाली स्वाधीनताया
 मोहदा खः । अलय जिं न्यडा- ‘छु गान्धी या देश्य् न हिंसा जुइला
 ?’ वं लिसः मब्यू, प्यास्याकक जक न्ह्यला । न्हिपौ पुइक यंका ।
 पुलिसं निशस्त्र जनतातय्ता लाठी, गोली टियर ग्याँस (अश्रुग्याँस)
 कय्यकगु लु व किपात पौ जाय्क - दः । नेहरू सरकारता कुंचियगु

कलकत्ता, रंगून व कुनिमंगा

१२ सेप्टेम्बर १९५९, ४:०० ता इलय पटना हवाई अड्डां
रेलवे स्टेशन थ्यन । तः हांगु प्लेटफारमय् कपालय छक्क भवाथगु
ख्वापुसा व कयता छपु जक चिडः तः पुं यक्क यक्क हाकुपु मनूत
देडः च्वंगु दः । उखय् थुखय् सानय् हे थाय् मरु, सुयातां न्हई दकः
ग्याडः जुयमः । खयां थव छगू 'लू' स्वय धूनय् वं हे जिता भारत
गथे च्वं धायगू सिइके थाकु मजुन । गुब्ले जि नेपालय् च्वडः
च्वडागु उब्ले कलकत्ता, बम्बई दिल्लीया भिलिमिली खाँ न्यडः
छत्थुं हे तिन्हयो भारतय् स्वः वानयगु मति वैगु । अलय पटनाया व
गांसी- गांसीपुं पित्या प्वा, व ख्यूंगु ख्वः यायपुं मनूत अथे थथे मरुगु,
स्पंगु (आराम) भासु लांकयगु थाय् मदयो सिमन्टी बायँ फोहर
प्लेटफारमय् देडः च्वंपु मनूत खाडा बलय जिं थःगु दे हे लुमांका ।
धात्थे भीथाय् अजगु दुःखया लयां स्वयम्बः, मरु ।

रेलय ध्वातुमतु ध्वाकः ल्वापु-ख्यापु फुकं छखय् लिङ्कः
 बलंकलं १३ सेप्टेम्बरय् सुथाय् ६-७:०० ताइलय कलकताया हावडा
 स्टेशनय् थ्यन । भारतया जनसंख्या यक्व दःगुलिं खःला मनूतय्
 हुलमुल खाडा बलय रेलया डिब्बा यक्व हे चिच्यावगु खानय् दः ।
 उगु रेलया डिब्बाय् फेतुड वय् सिटयां गना-गना तुति छपाजक
 न्हयंकः वानय्ता हे मुक्का मुक्की याडः वानिगु, म्हुतुल्हाइगु यां
 हिन्दुतय् गु 'हरे राम' हालिगु थासय् नं ल्हाइगु हे जुल । हकनं जिपु
 भारतया थिङ्कया चिच्याहांग दे यायपं जगतिं खःला विदेशी पिन्ता

सचित्र विषयांगृगु ख्वप पौ. बःछि पौ(पाक्षिक)

जनताया विचल्ली, पीर-मार्का ख्वबि व ख्वखना सः त उगु पौख्य पिथाडः - तःगु दः ।

धात्थें धाय्गु खःसा १४ सेप्टेम्बरया चान्हय स्वयागु कलकत्ताया खाँगवः जिं अकातं ज्याडा । धात्थें जिं उखुनुं चान्हय कलकत्ताता थुइके मफूत । आपाच बांलागु स्वर्गता ।

१५ व १६ सेप्टेम्बर खुनुं नेन्हू निहच्छी निहच्छ चाहिला अलय १४ सेप्टेम्बरया चान्हय खाडागुया अखः जुयो च्वना । कलकत्ता हरिसन रोड, बहु बजार, धर्मतला थजगु मू मू बजारत चाहिला । न्ह्याथाय् स्वसां इकुसें च्वंकः मनू तय्गु हुलमुलं ट्राम, मोटर, रिक्सा व टमटमया न्ह्यप हिइकिगु सः थवयो च्वंगु थाय् हे कलकता जुयो च्वना । लायें न्ह्याथाय् स्वसां फोहर व नावयो न्ह्याप्प तिडः जुयमःगु आनाया विशेषता थें । गान्धीया सत्याग्रह स्वयो फवंगीतयसं लिड ल्यू ल्यू वयो जवरजस्ती याइगु । चान्हयसिया ११-१२.०० ता इलय तक चाहिला भिलिमिली सहर जक मखु गली गल्ली व लायेलायें नं । अलय निन्हयें तस्कं च्वहपः दःगु थाय्, तःत खागु छँ थास्वय बलय तपुली कुतौं वानिगु थजगु गगन चुम्बी छँखाया तलय् हिरा, जुहारात व लुँ वह पसः हनय् चान्हय-फलय-फलय् देडः च्वंपुं मिसातय्गु धेकय्गु हवंगांगु परासी हवत हे धात्थेंगु कलकता पिज्वयो च्वंगु खानय् दः । तः तः हांगु ऐश-आरामया मालसामानया भिलिमिली विज्ञापन नपां बगलीमारात नपां होस यो धायो च्वयो तःगु नं यक्व थासय दः ।

खः, कलकत्ता भारतया छगु धात्थेंगु उद्योग व व्यापारया मू थाय् खः । व तःतः हांपुं साहु महाजनत, धेबा दः पिनिगु नं थाय् खः । अथेहे पित्या, नाड्गा, फ्लंगीत व ज्या मदय्क, च्वंपिनिगु संसार नं, नां हे छुकय्गु खःसा बहुबजारंता फोहर बजार, हरिसन रोडता फवंगी रोड, धर्मतल्लाता (कोल्लाहल) न्यनयना वगु तल्ला । फुक्क कलकत्ताता हे न्यनय् नावगु थाय् धःसां पाइमखु, तप्यक धाय्गु खः सा कलकत्तां छगु तच्वंगु धाकुफय् वा ज्वालामुखी थः कय् दुनय् स्वथाडः तःगुदः उगु ई वयवं जवर्जस्त थःगु लिच्वः पिकाय्ता सुनं गुब्लें पानय् फै मखु ।

१७ सेप्टेम्बरय् डमडम हवाई अडडां रंगुन वानय्ता फय् खतं वाडा । व झ्वार वयो च्वंगु दः । हवाई अडडाया

दुनय् आधुनिक पहलं दयकः तःगु खः । एयरकंडिसन नं मिलय् याडः तःगु दः । थुगु रंगुन हवाई अडडा स्वयबलय् बर्मेली कर्मचारी पिनिगु थें पसे मच्वं बहु पासा व भद्र मनूथाय् थें च्वं ।


उब्ले बर्माय् नेपः या कन्सुलेट याकथुम्बा दी । श्रीमती याकथुम्बा हवाई अडडाय भायो च्वंगु जुयो च्वना । नपां मोटरय् च्वडः कन्सुलेट अफिसय् वाडा । बमदिश नं नेपः दे थें पहाडी मुलुक जूगुलिं थाब्बा-क्बब्बा व नागबेली गुँया लाँचां वां वां थ्यं मथ्यं नेघीति लिपा कन्सुलर अफिसय थ्यन ।

कन्सुलेट अफिस चिच्या खासां हिसिचा दः । प्यखेरं वाउंसे च्वंकः सिमाचा स्वंमात दः । हनय् पाख्य् पुखु छगु: शान्त जुयो च्वंगु स्वयबलय् मन तस्कं लयतः । अथेनं अफिस थःगु गरिबी तपुय मफः । कन्सुलेट साहेवया म्हायसुख मरु । अफिसया सेक्ट्रेटरी साहेब पुं नपां जा नया थःगु हे छँ भः पियो ।

१८ सेप्टेवर खुनुं रंगुन सहर चाह्यू वाडा । रंगुन बन्दरगाह सहरया लिककसं जुयो च्वना । सहर न्हूंगु पहलं दयक तःगु । बां बां लागु छँ व मिलय जुइकः तःगु लाँ कलकत्ताता अःपुक क्वथयो बिइ । कलकत्ताय् थें रंगुनय् नं तस्कं तःनु अथेनं कलकत्ता थें फोहर व ना: वगु धःसा मखु । आनाफुक्क मिसात व मिजंतय् लुंगी सिइगु जुयो च्वना । गुगु स्वयबलय भीता भाति अजु चाय् पुसे च्वं ।

जिगुमति वर्मा वा रंगुनया विशेषता (विस्कं पहः) अमिगु समाजय मिसातय्ता बियो तःगु सामाजिक स्वतन्त्रता खः । पसः, बजार, ब्वनयकुथि, किपालु छँ (सिनेमा घर) ट्राम, मोटर न्ह्याथाय्नं मिसाततं भ्या भाति हे मरया सें उलिहे मरयासें फूर्तिसाथ, जुइगु । शायद आना या मिजंत क्वति हे मिसा तःनं थीथी लागाय् उलिहे ब्वतिकः जुई आनाया मिसातय् नं लुंगी व चोलो बाहेक मेगु सिइ मखु ।

रंगुन विश्वविद्यालय ब्वडः च्वंम्हा छम्हा नेपः मि ब्वनामि नपां बहनी चाह्यू वाडा, नगरया मू मू थासय् । चान्हय सिया १०-११:०० ताइलय रंगुन बन्दरगाह स्ववाडा । बन्दरगाह तस्कं बांला जीवनय दकलय न्हपां जिं बन्दरगाह व समुद्र स्वयागु थवहे जुल । पिल पिल मताच्याकः चिच्या-चिच्या



हांगु जहाजत न्हयाकः च्वंगुलिं तस्कं स्वय हाय॑ पुयो च्वंगु जुल । रंगुन विश्वविद्यालय नं स्वयो ल्याह॑ वया बलय् हलिमय् नां जःगू ल्य॑या पागोडा नं स्वयो पागोडाय् च्याकः तःगु बालागु मता जःल धात्थें आकासया तारा तय्ता हायक च्वंगु थैं च्व॑ ।

रंगुनय् च्वडः च्वंपु मेपु नेपः मिपु नपां ख॑ ल्हाडा बलय् सियदत कि बर्माया कुं कुलामयतक नं नेपः मि पिसं चः ति हायक ज्या साडः च्वंगु जुयो च्वना । रंगुनया बच्छी दुर्ल नेपः मिपिनिगु लाहातय् दःगु जुयो च्वना । अपलं उगु देशय् जीवन फुकय् धुंकसां नेपः दे प्रति अमिगु भावना छति हे म्हव॑ मजुगु खाडा ।

२० सेप्टेम्बर खुनुंया १०-११ ताइलय् गणतन्त्र चीन पाखय् फयखतं ब्वयो वाडा । उगु चीनी फ्य॒खतय् नेम्हा प्यम्हा जक याकृतदता । अग्रेजी, नेपाली व हिन्दी भाय मसः पुं चिनीया परिचारिकां थः ततां थैं हे बालाक सेवा याडः च्वन । वहे जिगु न्हपांगु दिन खः जीवनय् ल्हा भाषं (मूक भाषं) ख॑ ल्हाडागु, गुब्ले गुब्ले न्ह्यलय् मस्ति नं वैगु उगु ल्हाभाय् व वयकं याडः च्वंगु सेवा स्व स्वं ।

५:०० ता इलय कुन्मिद्ग हवाइ मैदानय कवह॑ वया । छम्हा भाय हिलामी नपां चिनियाँ ब्वनामिपुं लसकुस याय्ता वयो च्वंगु जुयो च्वना । हवाई अड्डाय् द्वैं वानय वं हे जिगु मिखा चिनियाँ जनताया महान नेता अध्यक्ष माओया तुइगु तहांगु इवातांखय् (सालिकय्) जुत । अलय आड्गलय यखायो तःगु तःपागु किपाखय् रुस्या महान नेता स्तालिन नपां लाहा मिलययाडः च्वंगुलि मिखा ब्वया । तस्कं, नास्वागु मगमग बासवगु वाउंगु चिया हल, सिहे मसिया चिनियाँ पिसं खाली चिया जकत्वनिगु जक गुकि चिनी व दुरु दैमखु । बल्लं कलं खाइसां त्वडा । न्हैंगु थासय् न्हैंगु सबः काया छगु न्हैंगु अनुभव दत न्हैंगु संसारय् ।

सुजद्यो लुकुं बिडः बिदा फवडः च्वन । तः ब्यागु लाय॑ मोटर फय्थे ब्वाकः च्वंगु जुल । वाँचुगु नफियो बुँज्यामी (किसानत) बुं ल्याह॑ वयोच्वन । लाय॑ लागू छैं खा पतिकं धाय॑थे 'अध्यक्ष माओ - जिन्दावाद व 'कम्युनिष्ट पार्टी जिन्दावाद', जनकम्यून तस्क बाला धायगु नारा व चिनाखं त च्वयो तःगु दः ।

कुन्मिद्ग शहरय् थ्यन । कुन्मिद्ग गणतन्त्र चीनया युनान प्रान्तया छगु पुलांगु शहर खः । २० वर्ग किलोमिटर ब्यागु उगु शहरय् १० लाख व २० द्व जनतात च्वड च्वंगु दः । चिनियाँ जनक्रान्तिया इतिहासय् थुगु सहरयाय् नं तहांगु लाहा दः । १९५४ नोभेम्बर महिनाय् आना चिनियाँ कम्युनिष्ट पार्टीया न्ह्यलुवाय् जूगु मुक्ति संग्रामय अमेरिकी साम्राज्यवादया क्वत्यलाया विरुद्धय आनाया ब्वनामिपिसं तःहांगु संघर्ष यागु जुयो च्वना । उगु संघर्षखय् ब्वनामिपिसं तस्कं वीरताकाथं शत्रु नपां ल्वागु जुयो च्वना ।

उगु संघर्षय नेम्हाप्यम्हा ब्वनामिपुं शहीद, जुलसा सलंसः

सचित्र हिंप्यांगगु ख्वप पौ. बःछि पौ(पाक्षिक)

ब्वनामिपुं घःप जुल । च्याइग काइ सेकया प्रतिक्रियावादी व अमेरिकी साम्राज्यवादी तय्गु फौज थःगु ब्वनय्कुथि कलेज व विश्व विद्यालय ल्याकः तय्ता स्कूल, कलेजया ध्वाकाय्सं च्वडः साब ल्वाता । गृह्युद्वबलय् थुगु सहर थ्यं मथ्यं धू धू मधू हे जूगु खः । थुकाथं कुन्मिद्ग शहर छागु चीनया तस्कं महत्वपूर्ण शहर खः ।

कुन्मिद्ग शहरय् जिमिसं चिपालु, नाफेड्गवे, नाइपिलुक चिसिल, उचींगल, लेगील थजगु थाय् व बजारत चाहिला । न्हैं न्हैं गु पहःया न्हैं न्हैं गु छैं तस्कं बालाकः द्यक्तगु तव्यागु नपां ता हाकगु शहर बजारत हिसी दः । दाच्छीया दुनय् द्यक्गु चिसिल बजार खानी बलय् में वाडाइपुं मदइमखु । चीनशीक्याइया 'डिपार्टमेन्ट स्टोर' वाडा । आपामछिं खागु छैं या प्यंगु तल्लांतु चाहिला । द्वलद्वताजिया मालसामानत ब्वयो तःगु दः । न्ह्यसःयालिसः ब्यू ब्यूं भाय् हिलामीं धायोदिल-न्ह्यान्हपा थाना अपलं मालसामानत अमेरिकी जुइगु अः क्रान्ति लिपा थव सलंसः द्वलद्व सामानत कुमिद्गे हे द्यक्गु खः । लाय॑, पसलय् न्ह्याथाय् स्वसां मनूत तस्कं शान्त व सभ्य जूयो थः थः गु ज्याखय् क्वथिइकः लिइमलाक याडः च्वनिगु । कलकत्ताय् थैं नावगु थाय् नं मरु अलय् ध्वातुमत्तु ध्वा ध्वां म्हूतु ल्हाडः जुइगु, न्ह्यपं प्वः तिडः जुयमःगु थाय् नं मरु । अलय् स्वय हे मःसिं मवगु रिक्सा व गाडाया टनटन व टिं टिं नं न्यन्य मरु ।

मोटर शहरं पिनयया होटल पाखय् ब्वाकः यंक च्वंगु जुल । लाय॑ लाय॑ ज्यापु ज्यामिपुं चकां ख्वः ज्वडः मन लय्ताय्कः अक्टोबर दिवसयाय्ता कुतः याडः च्वना । थाय् थासय् ज्यापु ज्यामित थः थः गु पुचः तः मुडः थः थः गु क्लबय् च्वडः बुखाँया पौत ब्वडः च्वना । गुम्हां गुम्हां म्हेतय्गुलि दुबिडः च्वना । अथेनं कुन्मिद्ग शहरया छगूनं प्लेटफर्म व सडक, फलय् नागाभोगापुं ख्वबिलु ख्वः ज्याडः च्वंपु मनूत खानय् मरु अलय् बगलीमारा नपां होस यो दक च्वयो तःगु नं गनां मरु ।

गृह्युद्वया इलय धू जुगु पःत जूगु खांपु १९५६ खय् भ्रमण याम्हा छम्हा जि पासां १९६० खय् काड दिला - 'धात्थें पुलांगु कुन्मिद्ग धाय्ता हे काथं मछिं । छगु गां थजगु शहर थौ ५/६ दाया दुनय् थुलि ह्यपा ह्यगु छगु अजूचाय्पुगु ख॑ ज्या खः । धात्थें चिनियाँ जनताया ज्या अजु चाय्पुगु हे खानय् दः ।

मोटर तः जःगु होटलयाहः न्य दिकल । प्यख्यरं स्वंतः चचं धायो ह्वयो न्ह्यलः च्वंगु दः । रंगीचंगी होटलया किबाय् चीन महादेशया चिनियात थैं पला तयता हे नुगः स्यापुसे च्वंगु बाँ दःगु बादशाही होटलय् च्विल्जक च्वड २१ सेप्टेम्बर खुनुं सुथाय् न्ह्यां कुन्मिद्गं बिदा जुया चीनया राजधानी पेकिद्ग वानय्ता ।

फयख वहे, यात्रु म्हव॑ जक, विदेशीत मध्ये जी व रत्ना जकदता । रत्ना यैं याय्म्हा पासा, कलकत्ताय् निसे नपां वयाम्हा ।

ललिता निवासया खाँ स्वयंबलय् सरकारी जग्गा गथे ल्यंकः तय् फै ?

विवेक

ललिता निवासया जग्गा लाचाकुचुयाडु हिनामिना यागु खाँ थुगु इलय अपलं बय बय जुयो च्वंगु दः। कर्मचारी तय्थाय् निसें राजनीतिक घेरा दुनय नपां थुकिं भवखा ब्वयकः च्वंगु दः। १४३ पि जग्गा थःगु नामय् लाकः कःपुं शाखा अधिकृत निसें पूर्व प्रधानमन्त्रीतय्गु तक थुकि नां स्वाडः वगु दः। उगू प्रकरण्य् ३७६ म्हासिता द्वपं बियो च्वंगु सीढी आईया न्हपायंगु अनुमान प्याहाँ वयो च्वंगु जुल। उलि मध्ये गुलिसिता पुलिस ज्वन, गुम्हा ज्वडः कुनिदक विदेश्य् बिस्युवाडु च्वंगु दःसा गुलिं सर्वोच्च अदालतया अन्तरिम आदेश कायो छुं सं च्वडु च्वंगु दः धाय्गु बु खाँ प्याहाँ वयो च्वंगु दः।

सरकारी जग्गाता नक्कली (मखुपुं) म्हेवँ व बुथु दय्क अपलं अपः (अकुत) सम्पत्ति दयकपुं मध्ये पूर्व निवाचन आयुक्त सुधिर कुमार शाह, सचिव कृष्ण बहादुर राउत, व्यवसायी मिनबहादुर गुरुडु नपां हिन्हयम्हा ज्वडः कुनयैं धुकलसा अपुं नपां मेपुं यकव सिया नां प्याहाँ वयो च्वंगु दः। न्हपायाय्पुं प्रधानमन्त्रीपुं माधव कुमार नेपाल व बाबुराम भट्टराईपिन्ता छाय् मुद्दा चलय् मयाता? धाय्गु खाँ जनतां न्ह्यसः तयो च्वंगु दः।

२०६६ चैत्र २९ गते उल्लेया प्रधानमन्त्री माधव कुमार नेपालया पालय् ललिता निवासया जग्गासं विशिष्ट मनूत च्वनय्गु छुं (निवास) दानयगु निपं यागु उगु इलय् हे व्यक्तिया नामय् जग्गा दर्ता, मखुसां मखुसांया म्हेवँ दयकेगु नपां क्षेत्राधिकार हाचां गायो ज्या यागु दाबी याडः च्वंगु दः। अथेहे न्हपायाय्म्हा प्रधानमन्त्री बाबु राम भट्टराईया पालय् २०६९ असोज १८ गते पशुपति टिकिन्ता गुथिया जग्गा कायम याडः सरकारी जग्गाता गुथि जग्गा याडः दर्ता यागु बुखाँ प्याहाँ वयो च्वंगु दः। सरकारी जग्गा गुथिख्य् यकः दर्ता याय्गु अनधिकृत ज्या खः। भट्टराईया पालय् हे गुथिया मखुम्हा म्हेवँ दयकः निपं यागु खाँ प्याहाँ वयो च्वंगु दः।

न्हपायाय्म्हा प्रधानमन्त्री नपां नेकपा (एस) या नायो माधव कुमार नेपालया ब्यानसं ‘सरकारी सार्वजनिक जग्गाख्य् म्हेवँ दैगु मदैगु खायैं छलफल ज्गु हे मखु, जिं लुमांक्य् मफूत’ धायो तःगु दः। वं ‘प्रस्ताव रीत पुवांकः तयो तःगु खः मखु स्वयगु ज्या व दायित्व मन्त्रालयया कर्मचारी व पदाधिकारी पिनिगु खः’ धाधां थमनं छुं हे जिम्मेवारी काय म्बःगु अलय मन्त्रालयया फुक्क ज्या कर्मचारी पिसं जक याङ्गु खः’ धायो छख्य् लियता स्वयो च्वंगु दः।

अथेहे मेम्हा पूर्व प्रधानमन्त्री भट्टराई जुं ‘व्यक्तिता म्हेवँ खः दकः कायम याय्गु खायैं मन्त्री परिषदय प्रस्ताव मवगु नपां निपं न मज्गु ब्यान ब्यूगु दः। वं धाला-नेपाल सरकार कार्य सम्पादन नियमावलीकाथं सामाजिक समितिया निपं काथं मन्त्रीपरिषदं ज्यू धायो स्त्रीकृत जक ब्यूगु खः।’ (२९ असार २०८०, अन्नपूर्णा)

अखियार दुरुपयोग अनुसन्धान आयोगां न्हपायाय्पुं प्रधानमन्त्रीपुं नेपाल व भट्टराईनपां एमाले नेता अलय न्हपा याय्म्हा अर्थमन्त्री बिष्णु पौडेलया काय् व छम्हा न्यायाधिशत मुद्दा चले मया। पौडेल व बस्नेत जग्गा लिता ब्यूगुलिं मुद्दा चलय् मयाडुगु दक अखियार धायो च्वंगु दः। अपराध याय धुडानिं सम्पति लिता वियवं हे (उन्मुक्ति) त्वःतय मज्यगु दकः अखियार पदाधिकारी पिनिगु अपलं कुखिड च्वंगु दःसा न्हपायाय्पुं प्रधानमन्त्रीपिन्ता पाखुलादक अखियारता जनतां कुखिडः च्वंगु दः।

जनतां याडः च्वंगु शद्का

ललिता निवास प्रकरण्य् च्वयच्वयया पदाधिकारीपुं राजनीतिकमिपिनिगु नां स्वाय् हःसेलिं थव ख्यालं ख्यालं जक याइला वा धात्यें दुरयकः कार्वाही याइला? धायो जनतां शद्का याडः च्वंगु दः। प्रधानमन्त्री पुष्पकमल दाहाल, गृहमन्त्री नारयणकाजी श्रेष्ठ ‘सुयातां हे त्वः तय मखु’ धायो च्वंगु दः। मखुगु, मभिंगु ज्यायापिन्ता सुयातां त्वः तय मज्यू दक जनतां धायो च्वंगु दः। अलय नेका व नेकपा (एस) या तुतिख्य दाडः च्वंम्हा सरकार गुब्ले तुति थारथार खाकिगु जुझ्व वा लायैं दथ्वी त्वःत अलपत्र याङ्गु जुझ्व मेगु शद्का याय्गु थाय् दः।

सरकारी, सार्वजनिक व (खः) पर्ति जग्गा ल्यंकः म्वाकः तय्गु ज्या सरकारी पदाधिकारी पिनिगु हे खः। कानूनं न व जिम्मेवारी सरकारी पदाधिकारी पिन्ता ब्यूगु दः। कानूनं न तप्यकः धायो तःगु खाँ सुननं मसिया धायां सुं बचय जुयो च्वनय् फैमखु। कानून मसिया धायो सुयातां क्षमा बिय फैमखु धाय्गु कानुनी सिद्धान्त नं दः। सरकारी जग्गाख्य् म्हेव्यता (मोहियानी हक) भाग वानिमखु धायो तप्यकः कानूनय च्वयो तःगु दःसा सार्वजनिक व सरकारी जग्गा गुथिई दर्ता याय्गु कानुनया अखः खः। थूकिता हिलमाल (छानविन) स्वयो अदालतं बांलागु निपं बिङ्गु जनतां विश्वास प्वंकः च्वंगु दः।

मालपेत ऐन २०३४ या दफा २४ उपदफा (१) कं सरकारी, सार्वजनिक वा सामुदायिक जग्गा व्यक्ति विशेष्या नामय दर्ता वा बुं याय् मरु धायो तःगु दः। उप दफा (२) खं सुननं थुगु दफा दय् हाँ वा लिपा सरकारी, सार्वजनिक वा सामुदायिक जग्गा व्यक्ति विशेष्या नामय दर्ता याडः बुँयत धःसा अजगु दर्ता स्वतः बदर जुझ्व व्यवस्था याडः तःगु दः। सुननं छुं इलय न्ह्याथेयाडः ज्गुसां सरकारी, सार्वजनिक व सामुदायिक जग्गा निजीख्य् दर्ता यागु प्रमाण दत धःसा व अथेहे न्हपायाय्गु पुलांगु अवस्थायतुं च्वं वानिगु कानुनी व्यवस्था दः।

थुगु कानूनी व्यवस्थाता चुनौती वियो घर जग्गाया कारोबार याइपिसं सार्वजनिक, सरकारी वा समुदायया नामय च्वंगु देया अपलं अपः जग्गा व्यक्ति वा गुथिया नामय दर्ता याडः याकः तय्थाय् मदयक

सम्पति कमेयाय धुंकल । ललिता निवासयां छगू हःनय् खानय् दःगु दसु जक खः । हिलमाल: छानबिन याडः स्वत धःसा थजगु ललिता निवास थजगु ज्वः लागु यक्व यक्व घटनात लुयोवैतिनि । थुकितः हांगु गिरोहं ज्या सांगु खानय् दः । जनता सचेत जूगु थासय व्यक्ति वा गुथिया नामय् लिकातं (अवैध काथं) दर्ता याडः कःगु जगगात लिता कायो सार्वजनिक हे यागु न अपलं दसु त दः ।

छायादेवी कम्प्लेक्सया छानबिन गुब्ले याइगु ?

यँ ठमेलया छायाँ देवी कम्प्लेक्स याय् खाय् दां दां हाँ निसें विवाद जुयो च्वंगु दः । उगु जगगा नीदा-स्वीदा हाँ सार्वजनिक बारे पुखु (कमलपोखरी) खः । पुलांगु दसि प्रमाणं व हे क्यं । २०४२ सालया जगगा नाप जाँचया इलय न उगु जगगा सार्वजनिक बारे (कमल) पुखु नां तय्कः नापी यागु खः । फिल्डबुक व श्रेष्टां न अथे हे प्रमाणित याडः च्वंगु दः । न्हपा-न्हपानिसें हे पुखु कायम जुयो च्वंगु २६ पी स्वयो अपः जगगा थी थी इलय भूमाफिया व गुथिसंस्थानया भष्ट पदाधिकारीपिसं निजी याडः तकला । गुकीं सरकारी पदाधिकारीपुं व गुथि संस्थानया हाकिमपुं मालामाल जुल । उकिया विरोधय स्थानीय जनता बारे पुखु हे याय् मः दक दडः वयो च्वंगु दः ।

२०३३ सालय् गुथि संस्थान व केयूर शम्शेरया दथवी मिलापत्र जुयो पुखुया व्या (क्षेत्रफल) १२-३-२-२ कायम जुगु अभिलेख दः । लिपा उगु पुखुता केयूर शम्शेरं थःगु हे याडः छवता । ई न्ह्याड वांसेलिं उगु पुखुता गुथि जगगाख्य् दर्ता याडः, थीथी मनूया नामय नक्कली म्हवैं दयकः गुथि रैतानी याकला । वहे जगगाया खायैं स्थानीय थः बहीया गुथियारपिसं मुद्दा तला । लिपा करोडौं धेबा कायो २०६२ सालय मिलापत्र याता । सार्वजनिक जगगा छगू नेगू करोड धेबा कायो मिलापत्र यापुं गुथियारतनं पुखुता सुँछम्हा व्यक्तिया नामय जगगा तय्किपुं गवाहालिमिपुं (मतियारत) जुला । अमिता न जनतां न्ह्यसः थाडः च्वंगु दः ।

२०७३ सालय सर्वोच्च अदालतं गुठी संस्थान ऐन २०३३ व मालपोत ऐन २०३४ या अखः सार्वजनिक (कमल पुखु) पलेस्वं पुखु निजी जुइगु याडः जिल्ला व पुनरावेदन अदालतं निर्णय जूगु क्व छिडः मुद्दा लिपिड दोहरे याय्ता निस्सा व्यगु दः । उकिलिपा जनताक्य् सार्वजनिक सम्पति ल्यडः म्वाडः वैगु आशा चुली जायो वगु खानय् दः । अबैधकाथं सरकारी पुखुता छम्हा मनूया निजी याइपुं पहुँचया लिंधसाय् मुद्दा त्याकप्यु स्वयो च्वंगु दः । उब्लेपा संस्कृति, पर्यटन व नागरिक उड्डयन मन्त्री योगेश भट्टराई नं कमल पुखुली दयकः तःगु छायाँदेवी कम्प्लेक्सया २०७५ सालय् उलेज्या यागु खः ललितानिवास व कमलपोखरीतान निजी जगगाख्य् हिङ्कः छ्वयो यक्व यक्व सम्पति मुंपुं फुक्कसिता काबर्ही याडः झ्यालखानय् स्वथानय् नपां ठमेलया २६ पी व ६ आना जगगाख्य् न्हपायाय् थे बारे पुखु (पलेस्वं पुखु) याडः पलेस्वं हवःगु स्वयागु जनताया इच्छा खः । व मथां हे पूवानिगु आशा दः ।

ख्वपया बोडेया कमल पुखु कायम

भक्तपुर जिल्लाया बोडे च्वंगु कमलपोखरी २०२१ सालया

सचित्र हिंप्यांगू ख्वप पौ. बःछि पौ(पाक्षिक)

नापीख्य् १५-९-० जगगा ख्यः (पर्ति) पुखु धायो नापी जुगु खः । अल्य् व पुखु सुं छम्हा म्हामस्यूम्हा मनू न थःगु धाय्गु निजीख्य् दर्ता याता । उकिया विरोधय स्थानीय गाउँपालिकां मुद्दा चलेयता । वागमती अञ्चल अदालतं व्यक्तिया नामय हे जुइदकः फैसला याता । लिपा स्थानीय जनतां कमलपुखु हे याय् मःगु खाँ तयो मुद्दा तला । छु ई न्ह्यों अदालतं सार्वजनिक कमलपोखरी हे जुइ दकः फैसला याता । अः उगु जगगाय् हिसीदःगु, बालागु पलेस्वं पुखु दय्के धूकंगु दः ।

ख्वप नगरपालिकाय् ख्यः व सार्वजनिक जगगा ल्यंकः म्वाकः तय्गु ज्या

ख्वप नगरपालिकाया वडा नं ७ याबारे पुखु नं छम्हा म्हेवैं दय्कः गुठी संस्थानं निजी रैतानी हिलः नय्यधुकंगु खः । उब्लेपा जनप्रतिनिधिपुं न्हयलुवा जुयो स्थानीय जनताया गवाहाली यँ च्वंगु गुठिसंस्थान केन्द्रीय कार्यालय (चारखाल) वाडः फाइल हे खुड बियगु नपां आनाया कर्मचारी व गुठी हाकिमता नपां काबर्ही यासेलिं उगु जगगा सार्वजनिक पुखु हे याय्ता गुठी संस्थान व म्हवेचा राजी जुला । अः उगु थासय् सार्वजनिक भिं ज्याया लागि पुखु व त्वनय्गु नाः या छै लुइकः नाः पिकायो छ्य्यलः वयो च्वंगु दः ।

अःतिनि ख्वप नगरपालिका वडा नं ५ सुकुल ध्वाकाया चुकत, २०४२ सालया नापीख्य् निजी नापी याकगु अपलं विवाद याय् धुंकः अः वहे मनुखं नगरपालिका नामयैं जगगा लःल्हाडः व्युगु जुल । अथेहे ख्वप नगरपालिका वडा नं २ ख्य् च्वंगु पुखु २०२१ सालय पुखु धायो तःगु २०३० साल पाख्य् सुं छम्हा सियाय्गु निजी याडः छ्य्यलः वयो च्वंगुलि जनप्रतिनिधित्व व स्थानीय जनताया, गवाहालीं हकनं पुखु हे याय्गु याडः लिता व्युगु दः । ख्वप नगरपालिकां ख्यः (पर्ति), सार्वजनिक व सरकारी जगगा ल्यंकः म्वाकः तय्ता बिच, याडः मदिक ज्या साडः च्वंगु दः ।

झौखेलया बारे (पलेस्वं) पुखु गव ?

थौ स्वयो स्वीदा हाँ तक झौखेलय बालागु अलय व्यवस्थित बारे (पलेस्वं) पुखु दःगु खः । न्हुंगु पुस्तां थुगु खाँ मसिय फः। व पुखुली अः छै छै जक जुय धुंकल । २०२१ सालया नापीख्य् व नं पुखु जक हे नापय् याकगु जुयमः । सार्वजनिक काथं छ्य्यलः च्वंगु उगु पुखु छम्हा व्यक्तिया नामय तय्ता गुठी संस्थानया स्यंपुं (भष्ट) मनूतय्सं लाहा तःगु जुयमः । चाँगुनारायण नगरपालिकां सार्वजनिक याय्ता हिलमाल स्वयो कुतः यात धःसा उगु पुखु सार्वजनिकहे जुइगुलि गनां छू हे शड्का मरु ।

देशया यक्व यक्व थासय् थजगु जगगा जमिन, सार्वजनिक पुखुत छम्हा व्यक्तिं नःगु घटनात यक्व दः । ललिता निवास प्रकरणं सार्वजनिक, सरकारी वा सामुदायिक जगगा थःगु यापिनि धात्यें न्ह्यों मवल ज्वी । ललितानिवास प्रकरण लिपानं देशां देशिया सार्वजनिक, सरकारी वा सामुदायिक जगगा ल्यंकः म्वाक, तय्गु ज्याख्य् सरकार मदिसें पला छिई धाय्गु जनतां आशा यागु दः । गुकीं खरबैया सम्पति राज्यया स्वामित्वख्य् वै । थजगु ज्यायाता जनतां न बालागु ज्या काथं हे काई ।

सच्चिद हिष्यंगूरु खप पौ. बःछि पौ(पाक्षिक)

छू वकालत, रवाँयरह न्यायाधीशया नह्यः ने

पूर्ण तैद

तुति हे पःखा: जुया: पनाच्वथाय्
लुखा-म्हुतुइ की ताका
मिखा तिसिना च्वथाय्
जिं थःगु तुतिया आय्कुया तछ्याना
लँ लासा लाया द्यः द्यानाच्वथाय्
जिं थःगु लँया माग याना
न्हाय, म्हुतु जक त्वसुना च्वथाय्
म्हुतुं जक पहाड चिइका
ख्वा: पालं तक्मा तिना च्वथाय्
जिं थःगु ल्हा: या स्थान फवना।
थव थां, अंगःया न्हाय्पनय्
थव पःखा:, पर्बःया मिखाय्
जि थःगु सलय् पंम्हुया चिच्चाय् दना
खः जि नं थी पुखुली
थव सुंकया महिताय्
लम्हुया अप्पां कयेका।

द्यानाच्वंगु बाभः:- घरी
तक्यना पियाच्वंगु मिखाय्
जिं थैया मू न्यना
आसे आसे जक प्पपुंक चिनातःगु म्हय्
थःगु धका: हे वा:मचा:गु
पिइया तः पुयाच्वंगु ल्हा:, तुतिया
वया स्थितिवत् स्वीकृति-ह्वखना नं
खः जिं ज्वना कुति न्यना।
सह्य, सन्तोष व भागयय्
वँवथाय् ज्वाँय्ज्वाँय् सयाच्वंगु हाकुगु मृत्युयात
जिं वाकुछिना कयेका
कुतुंका,
त्यः, मत्यः या सुन्दर जा: खुना
ज्यू मज्यूया न्हयसः ल्हवना:
खः जिं आगं उला

घाःपा: याना कय्कयपुया
अतीतया सम्मान-प्रतिष्ठाया म्हय्।

पुनखुं मैचित
उसिउसि यानाच्वंगु
लाखे, लसिंया मतिनायात
खुसियात पित्तुपिया यानाच्वंगु
मालिकया दया, मायायात नं
खः जिं अस्वीकार याना थुकलं बिया
थवया विरोधय्।

जितः पनाच्वंगु थव बःबः पःखा:
जितः ल्हाना क्वत्यलातःगु बःबः चट्टान थव
मनमाहां जया तछ्याना वया
खः जि नं दनेत
आकाश मा: वया
जः मुवया
सह मयासे प्पाकुतिं न्या: वया।
लः, जः, सर्गः सकतां
थःगु म्हिच्चाय् प्वचिना
स्वांया ह्वयेगु कर्तव्यबोध याइपिं
प्रत्येक पिचुगु म्हुतुइ
म्हुछिना न्हयसः धस्वाना जि
थव मान्यय् छू अमान्य हाकुगु ध्वजा।

छाय् - जि दुनेया सिमा तःमायेत थाय् मा: जितः
प्रत्येक स्वांयाता ह्वयेगु अवकाशया आकाश मा:
प्रत्येक नस्वा: न्यनेत निर्बन्धन फय् मा:
प्रत्येक किचः लाया बिइत जितः निअवरोध निभा: मा:
छु वास्तवय् दुया अर्थ हे बियेगुलि मखा ?
थःया अर्थ हे नं थःत इयेगुलि हे मखा ?
छुं दुगुया अर्थ नं क्यनेगुलि हे मखा ?

(सितु ३९:१०९१)

महाजनया स्वर्ग कायपि

छगु समये छम्हा नामीम्हा साहूया
कायपि स्वम्हा दयाच्वन । स्वम्हा कायपिनं
मचाजुतल्ले मिताम्हाता नया दिन बिते यात,
नय् त्वनेगुया भुखा दुगु मखु अथेसां तः धिजुया
वसेलिं लगठग जुया नया च्वने मजिल ।
छन्हु बौम्हासिनं स्वम्ह कायपिनं सःत्ता धाल,
“स्व बाबुपि । आवंलि छिपीं आमथे पुलि
थिकथिक् संका नया च्वने मल्वः ल्यायम्हो
जुसेलि कमाय याना थःगु तुर्ती चुया च्वने
सयकेमाल, उकिं खः, का, छिपि छम्हाछम्हा
सित प्यदो प्यदो बिया छोये, खेप याना वा ।”

धाथे छम्हा पत्तिकं दां प्यदो बिया
कायपित्त बिदबारी बिया छोत । थकालीपि
डिम्हा कायपिंसं प्यला खुला दयका दां हे
दुगांछी लाभ याना आमदानी दुत ज्वना वल ।

कान्छाम्हा काय् छम्हा लँय् ववं
ववं छगु थुजोगु गामे लाः वन गनजा लः
त्वने ध्यागु हे आपुलुगु खँ जुया च्वन । वया
लः त्वने प्याचाया व कथु सरसर गना वल
गनं हे लः हिटी खने दुगु मखु ।

“विन्ति, बा जितः लः छको त्वकि”
व कायम्हं छम्हा अनहे च्वांम्हा गामानीतायात
धाल ।

“अहो, दाजु वरु दुरु त्वने धा,
यकव त्वंकाबि । थन लः सापहे थिके, सुनानं
लः बिई मखु” गामानीतां धाल ।

“का बा, जिला लः त्वने मखना
सीन” व कायम्हं धाल । “आसे अथेसा, थन
हे पिया च्वं, जिं लः कयाहये मिसाम्हं धाल ।

“गुलि तापाक वनेमानि ?” व
व्यापारीं डुन ।

“प्यक्वे तापाक वने मानि” मिसाम्हं
लिसः बिल ।

धायें अनहे पिया च्वच्वं बल्ल लः
कया हया: मिजंयात लः त्वंकल ।

“अहो, लःजा अमृत थे सा । जित
व लः कायगु थाय् छको क्यना व्यू” व

मिजनं धाल ।

धाथे व मिसां लः कायगु थाय् क्यने
यंकल । “अहो, थव प्यदो दांला थव हे बुंगाचा
दयेका थनं लः धः ज्याना यंका गामे यंके
माल सकसितं उपकार जवी” साहुं
विचायात । अथे यायगु निश्चित याना वं
अन गांयापि दाजुपिंगु ग्वाहाली कया थमं
ज्वना वयागु ध्यवा धमाधम खर्चयाना धः
म्हुइका गामे थ्यंका छथाय् हिटी छधा नं
दयका बिल । अथेसां छुयाय ? हिटी लः
महा । न्यम्हाथे हे यानास्वसां हिटी हागु मखु ।
ज्योतिषत क्यना स्वःब्ले सांगे (धुकेगु) मयासे
लः वैमखु धका धाल । तर अपशोच, व
मिजंयाके दक्व ध्यवा फुई धुक्कल सांगे यायुत
ध्यवा दुगु मखुत । उलि अथक परिश्रम
यानागु व्यर्थ वनिगु जुल ।

“आ जि छे वना ध्यवा कया वये”
धका व मिजं अनं सरासर हाकनं थःगु छे
ल्याहाँ वल ।

“धत् चण्डाल मचा ? छं दाजुपिनि
डबल लाका हये धुक्कल, छं दुगु ध्यवा नापं

फुका वल” धका बौम्हं छे हे दुतमका ।
बिचरा मिजंया आपद जल, बल्ल बन्ही जूवले
सुनानं मखंक कलाम्हं इयालं साला थःगु
कोथाय् दुकाल । अनहे व मिजनं जुक्को खँ
फुक्क थः कलायात कन ।

“व गामे लखं तसकं दुःखजुया जिं
हिटी छधा दयकागु खः सांगे मयाकं
(नागसाधन) लः वैमखु धागुलि जिं ध्यवा
फोनेत वयागु खः, जिके च्वंगु ध्यवानं फुत ।”
मिजंम्हं खं कन ।

“अथे जूसा जिगु तिसा हे बिया
छोय्, तिसा मिया आम ज्या पूर्ण याना व्यु”
मिसाम्हं धाल ।

“तिसा मियानं गाइगु मखु” मिजनं
धाल ।

“अथे जूसा जितः हे बन्धक (बन्ह)
तया ध्यवा त्याना यंकी” कलाम्हं सहमती
बिल । उलि जुसेलि निम्हातिपूं हथाय् हथय्
चाचां छम्हा दांत्याय् विड्म्हा महाजनया थाय्
वन ।

“जितः डादो दां त्यासा बिया दीसा



सचित्र हिष्टांगगु खप पौ. बःष्ठि पौ(पाक्षिक)

ज्यू” व मिजंतं धाल । धारें साहुया कायम्हं डादो साई दां डिना न्हयोने तथा बिल । “छुं धितो ला तयेमा” साहुं धाल ।


“ज्यू, जिमी कलाहे बन्ह तया थके । भाडा चिप छता सिईके मते । मेगु ज्या सकतां याका ति” मिजंम्हं धया कलाहे । बन्ह तया थः दां ज्वना सरासर वहे गांमे वन । गामे थ्यंका धुमधामं छायपा याना रूद्री, जप, पाठ, होम याना पुजायाबले अन लोहंयाम्ह महादेव शंकर बम भोले नाथ हे जागा ना व मनुयात स्वां छफो बरदान बिल । हिटी नं भररर लः धा प्याहाँ वया तमाम गांयापिनि लः त्वने खना तिग तिंग न्हया प्याखं हुया वैगु जय जय माने यात ।

वैत बरदान व्यूबले महाद्यः नं स्वां तके मते सीम्ह हे म्वाके ज्यू धका धया तःगु जुया च्वन ।

वहे स्वां छफो ज्वना अनंतं व मनु हाकनं मेगु हे देशे थ्यंकःवन । वँ ज्वना वगु स्वां थुलि बाला कि अनयाम्ह जुजुं वैत लायकुली सतके हल ।

“का, आम स्वां छफो जितःब्यू” जुजुं हुकुम जुल ।

“थव स्वां अरें बी मज्यू महाराज”



व मनूनं वित्तियात अथेसां कान्छीम्ह महारानीं थुलि जिद्दीयात कि वैत छगु लाख दां विया व स्वां कयाहे त्वःतल । व मनूया छुयाय् छुयाय् जुया स्वकः तक ला विई धागु दु धका हाकनं महाद्यःया थाय् वया वरदान फोन ।

“आ, छको यंकि” धका हाकनं स्वां छफो कुर्का बिल । उखे कान्छीम्ह रानीं स्वां छूबले जग जग जुया चन्द्रमा थें वालाना

च्वन अथे वालागु ज्यठीम्ह महारानी स्वःबले बया ला नुगः मुल । हाकनं वहे मनूयात राजाया थाय् सतके हल । दर्वारे थ्यने साथ जेठीम्ह रानीं वं ज्वना वःगु स्वां कया डिगु लाख दां विया चित्त बुझेयाना छोत । व मनूया ला फसाद जुया हाकनं महाद्यःया थाय् वना पुकार या:वन । महाद्यः नं हाकनं छफो स्वां कुर्का बिल । व स्वां नं कया कलाम्हासिथाय् वने माल धका सरासर व कलाम्हा बन्ह तया तःथाय् थ्यंकः वन । वं अन थ्यंबले लाक्कहे कलाम्हा भी क्ववाना सास्ती नया सिना च्वन । थुखे वन्ह कयातःम्हा साहुया ला थर थर ग्याना “का भाजु दां पुले म्वाल, छम्ह कलानं सिना च्वन” धका धाल ।

कलाम्ह सिना च्वंगु खना हाकनं वहे ज्वना वयाच्वंगु स्वां छफो न्हासे नतुका बिइवं सीम्ह हाल्छीं तया दना वःबले भन हे बालाम्ह सुन्दरी जुया च्वन ।

अनंलि, थमं कमाय् याना हःगु ३ लाख दो थः कला व वहे स्वां ज्वना छेवन । निम्हं आनन्दं दिन हना च्वन ।

उलिंचिया बाखं थूलि, घ्यः तय्गु कुलिं ।

- नेपायागु पुलांबाखं

छरहा फँवंगी

आशा क़ूमार चिकंबजार

छम्हा पासा याता नय्ता छैं सःता । न्हयाब्लैं छुं नं छुं खाँ न्हिथाडँ छैं सःतय्गु मखुला धाधां हायल कायल हे याइगु । थौं छिजहानया बुदिं मखुला ? थौं छैं काय पास जुल मखुला ? थौं तलब वल मखुला ? जिगु बारे छुं नं छुं खाँ थुइकः वं जिता छैं सःत नक्य्गु मखुला धायो कायल याइगु ।

थौं जिगु बुदिं, सुथाय हे मोबाइलय् बु दिं या भिन्तुना दे छायो तय धंकल । नपां छैं हे वयो भिन्तुना दे छायगु खाँ नं च्वयो तल । अपलं धः सेलिं बुदिया धौबजी (धकबजी) या दान याय्मः धाइगु उकी वाय्त सःत नक्यमाली दक ज्वरय् याडा पासापुं न्यम्हा प्यम्हा नं सःता । मेपुं स्वयो व पासा न्हः पा हे थ्यंक वल ।

जिगु किबाया स्वं थ्वयो जिता लः ल्हा ल्हां भिन्तुना देछाल । अलय छु छु ज्वरय याडा जक न्हयस त तं यंकल ।

पासापुं नं भाल, ब्वछुडः भ्वैं नं सुर जुल । वं मनगु छुं हे मर अलय मखिगु छगु हे मर । चिभातिचा न्वैं सय् नेकव स्वकव निं ति । भातिचा पालु अथेनं भातिचा अपः ति धा धां वं तां तां नल । अथे नं मखिगु छगु हे मर । अलय वं का । धायो छुं त हांगु वस्तु लुमांगु थें च्वंकः धाल । जिं छु जुला दक न्यडां । वं छैं थः जाहान याकचा जक जुगुलिं व्वडः ह्य लुमांगुलिं वाय्तानं छभाग ज्वडः वानय्ता थाला फल । मसासां पित्या छ्याय् माल छ्याय् ? वयागु थालाख्य जिं न्हुँम्हा फँवंगीया किपा खांका ।

जीवनया स्वापु दःगु महिना साउनः

आशा कूमार चिकंबर्जार

साउन महिना चाकलीं वाउँसे च्वड न्ह्याथाय् स्वसां मिखाता याउँसे च्वनिगु लक्स, अलय असारं पिगु वाच्वा हाँ कःगु जक मखु थ्वाकः चिड फ्यनपां फिरिफिरी साडः च्वनिगु स्वयब्लय् सु प्राणीया मन चमकानी। उकिता म्हेगः छमना पिडः छमुरी सय्केगु म्हागस पूवानिगु लाँपु चालः वगु थें च्वंकः बुँयाता तिसां तिइकुं बुँज्यामितय् भन मन चं चं मधाङ्गुयां खाँ हे मखुत। अलय बुँलुहुँ बुँ स्वः वानि, देंचाय् च्वडः वाबुँ छक स्वै। मनय् खाँ ल्हाकी। घायँ छपु नेपु पुई। दाहाँचा छथवांक नेथवाक लिई। आपाचां बिचः याडः दाहाँचा पुयो छ्वयागु, कूज्यायायां ल्हाकागु, मल्हागु तुतिखं न्ह्यो ल्हाकागु अलय् प्वारय् ल्ययो छ्वयागु वापिपिसं प्वाचाखय् ल्ययो पीसां कतया मिखा छलय् याडः, भन थ्वाक मक चिक बुयो वयो च्वंम्हा दाहाँचा खाडः वाकुछिडः तंपिकायो लिई। ओहो वयां मेगु स्वयो अपलं हाँगः कायो च्वनिम्हा खनं। हस्से: हाईसे यायां लिइब्लय् वं वामा नं नपां लियता स्वै। मखुसा वाज्या क्वाज्या यां पक्का नं सांकी। धात्यें दाहाँचा मरुगु वा बुँ द्यके थाकुथें खराबपु मनूत मरुगु समाज नं द्यके थाकुगु खाँ ज्यापु दाजुं मनय् खाँ वाय्की घायँ सीगु वास वल हूँ दाहाँचा सीगु वास मव। वया मनय् पूँजीवादया ख्वःपा ल्यो वै।

वा पूसा भीगु तांगुलिं नुगः मुइकः च्वंपु अजा अजिपुं चाइनिज वा पुसा मः जूपुं काय् म्ह्याय् पुं खाडः अजुमचःगु नं मखु। उगुभिं थुगु मभिं, वज्यू थ्वमज्यू, वाय् थ्वतला, भी गुगु, तय्गु। खाँ छाछां तावः ध्यं ध्यं ताहा' न्हपाया स्वलामार्सि जक मखु नेपाली पुसां अपः वा मसःगु अलय ताइचिन, ताइवान वयानि, मोहियानी हक छुंभाति दयानि बुँज्यामितय् छुं भाति सुख जूगु खाँ

गुलिसिनं बुँ स्वः वानिबलय् नपा लापुं पुलांपु किसान धवब्वा, तब्वापिनि अः नं गफया बिषय मज्गू मखु। उकिं पुसा भिंकय् मःगु नपां 'हुलमुलय जिउ बचय् याय्गु, अनिकालय् पुसा बचे याय्गु' पुर्खाया बचं गनां तुसुडः जकं वानला। गुकीं भी पुसा देसी, मन जूथें थाय् देसि जुइला दक ग्याडः च्वंपु पुर्खाया मनय् ग्याचिकु पहलं थाय् मकःगु नं मखु। अथेन इलं क्वत्यल यंकबलय् भैलखं क्यःगु मन थें वयकपिसं मेगु छुं धाय मफयो वाबुँ स्वं स्वं ल्या खाडः च्वनि। योजना दयकः च्वनि। थुगुसी छ्यया क्यता पूजा याय् माली। वा म्ह्याय् बियो छ्वय माली, काय्ता भौ ह्यमाली। वहे वाभाति दः तलय् हाल ज्वी 'वा तेप दः तलय् छुकिया धन्दा ?'

गुब्लें वा म्ह्वसुल, सः तां वानि थ्वहे साउनय्, गुब्लें वा स्यन अनेक वास यो ज्वी थ्वहे साउनय्। वा बुईं गुब्लें नाः पाडः जुई गुब्लें न्हां नला धायो नाः चायक जुई। थ्वहे साउनया महिनाय्।

मातु ल्यय धुकः तु काय्गु नं साउन फूझें च्वनिकिं हे याडः है। द्वलय नेम्हा प्यम्हा वा नेथव प्यथव घायँ पुझपु दै। अलय् वापां सू थें वापां छाथें, गुब्लें पञ्चा घायँ मनिना धः सां लकः मरुसेलि लचः दःगु नं फियो घायँ मपूसे मगा। धायँ पुज्या तुकाज्याया म्हायपु तांकप्ता जक मखु पुर्खाया दुःख लिपिडः तुकाज्या म्यैं दकः छुड है। साँ देया म्यैं

जि वया ला लछि मदुनि
छि काय साँभाय् धाल
थुगु छबारनीं लिगाना व दिसँ।
आयली भलिचा मयजु
जि काय्या लजगाल मरु



दाच्छिनेदा जक च्वड वई न्हा ॥
 आयलय् तिरी हाय
 हथ्या छनं बिय मत
 दाच्छिनेदा जक च्वड वय हाँ ॥

साँ देयाम्यै दुनय् थःगु देशय् लजगा: मदयो साँ देशे (तिब्बतय्) ज्या मः वांपुं ल्याम्हो पिनिगु करुण व्यथा नपां यौवनया इलय बायो च्वनय् मःगु पीडा जक मखु उमेरय् थः भत मंत धाय् खाँ ज्वडः वसेलि सती वांम्हा छम्हा ल्यासेम्हा मिसाया करुण कहानी नं थुगु बाखं म्यै खं थाय् काय् धुंकगुलि अजा अजिया नुगः मख्वलायां पक्का हे खै मखु । थुगु पक्षसं बिचः याय् ता सकलसिता वहे धवब्बा, बाज्या, अजि, तमापिसं अः नं याकन्दा थासय् च्वडः जूसां म्यै छुडः च्वंगु गनां गनां न्यनय दः । थवहे साउन महिनासं जीवनया छागु स्वापु दःगु म्यै मः धः सिं मगा छाय्ले धःसा थौया पहः भातिचा पाकः विदेशय् वाडः च्वंपु ल्यासे ल्याम्होया पहः नं थव नपां ज्वः मला धाय् मठिं, ब्राक्सय् देडः वैगु सीम्हा नपां न्ह्याब्ले ख्ववी जा नयो सती वांम्हा स्वयो अपलं दुःख कुबियो च्वंम्हा मिसाया दुःखया बाखं म्यै धः सा च्वइहे तिनि जुई ।

राजतन्त्रया इलय् जू जू कतया मिसा नपां बलं लुयो यंकगु शिलुया म्यै नं थुब्ले तस्कं बांलाकः पिज्वईः

हाय हाय प्रभू स्वामि
 छि गना भायो दिया ॥
 छन्ता धन्दा छाय मिसा
 ज्याखायै वाड च्वडा ॥
 नेम्हातिपु जुयो नपां
 सल्हा सहुति मरु ।
 शिलु तिर्थ म्वल ल्हूय
 अति पूण्य लाई
 शिलु तिर्थ वानय् याता
 पासा माला च्वडा ।
 पासा मालय छाय प्रभू
 छिव जि व वानयै
 जुसी क्यड स्वया बलय्
 बाय माली धाल ॥

थथे जनताया अधिकार मरुगु इलय् शिलु वांम्हा कतया मिसा लुयो यंकगु राजतन्त्रया विरुद्धयहाल तःगु म्यै उब्ले प्रगतिशील, धाय मफूसां उकिया पहः दःगु मधसें मगा । थवहे खाँ भी पूखाँ कानय् मसयो म्यै काथं छ्यलः छपु स्यल्लागु लोकम्ये काथं थौं तक म्वाडः च्वंसां थुकिता हहाय् तयो उलि न्हूँगु पुस्तां हाल च्वंगु मरु ।

सच्छिष्ठ छिप्पांगू ख्वप पौ बःछि पौ(पाक्षिक)

जुजु नपां हवडः च्वनय् मनमरुम्हा उम्हा मिसा नं हालः च्वंगु मरु । जुजु नपां बचय् ज्यो च्वंगु अति यथार्थवादी स्वयो जुजुथाय् च्यो-भ्वातिं ज्यो च्वनय् गु स्वयो प्रजाजुयो स्वतन्त्र म्वायगु इच्छाया भाव नं मक्यं धाय् मछिं । धर्मया ख्वालं पुयो च्वंगु उब्लेया समाज चर्तुमासमा व्रत च्वनय् खाँया लाँपुतिं वयो मातैनि ज्यो थः भः त जोगी नपां वगु सुखान्त अन्त्य थाकुसां हायैपुक क्वचाय्कः तःगु दः ।

थुगु इलय् ता श्रावण नपां नेवः तय् गु गुलाँया महिना जूगुलि गुला दक नं धः । बुद्ध्या दर्शन नपां ध्वाथुइकः बुद्ध्वार पतिकं छसिकाथं नम्हा (नमोबुद्ध), बज्जोगिनी, सिंगु (स्वयम्भू) व बोडा (बुडमती) वाडः थक्य् सःगु अन्त तुसी, लाजाध्य पोलहू चा, थी थी तरकारीत द्यो याता न्हःपां छाय् गु काथं नं थुगु गुला लच्छीता काइगु च्लन दः । हिन्दु बुद्ध धर्मता मपाकसे सकल स्वनिगःया नेवः त भगवान द्योके वाडः भक्ति याइगु थुगु महिना किसानतय् भतिच्चा ज्या फूर्सत दैगु ई नं खः ।

उब्ले नेगः प्यंगः आन्दानीमा स्रोत धाय् गु थाज्या थाय् गु कपायै फेनय् गु नं या । पुलाँगु म्यै काथं -

गुलाँ लच्छी कपायै फ्यडा

कतु स्वतु मजः

माम, बुबं जिता न्वात ।

बान लाक समायाय, लाली फलय ज्या ज्वं वानय् न्यातु सुकूचा व्वापी मक्चा ज्वड ।

थुगु म्यै ख्य् थःछँ च्वंम्हा ल्यासे म्हयाय् मचात उब्लेया तःमि पिनि काय् मचापिसं अनेक लोभ क्यडः बर्वाद याडः त्वः त तकगु बाखं म्यै नपां काय व म्हयाय् ता पाकगु बाखंचु नं दः ।

शरीरय् जि मरु तलय

काय मचा बुद्गु आशा

बुलानं म्हयाय मचा बुल ॥

म्हयाय मचा बुला दक

लायै दथवी वाय्के छ्वत

लायै व क्व सिं थवातु थ्वाडः वान ॥

शिशु स्याहार मरुगु इलय् अजा अजि हे मचातय् पुं धाई मां खः धायथे ‘अजा अजिया धर्म दःसा थव मचाया कर्म दै अजा अजिया धर्म दय्के माल’ धायो सन्देश नं बियो च्वंगु दः ।

बाँ जीवन नपां स्वापु दःगु यां जुहे जुल नपां थुगुई या म्यै नं जीवनया सन्देशं जःगु बिस्कं बिस्कं पहःया म्यै धाय् गु खाँ न्हूँगु पुस्ताता थुइके बिय फःसा साउन महिनाय् मेहन्दी व वांगु चुरी न्ह्याय् गु स्वयो अज बांला जुई । भीगु लोक साहित्यया मर्म नं थुई ।

ख्वप नगरपालिकाया ज्या भ्रवः त

इञ्जनियरिङ कलेजय् न्हूं ब्वनामिपिन्ता लसकुस

श्रावण १ गते

ख्वप नगरपालिकापाखं चाय्क तःगु ख्वप इञ्जनियरिङ ग कलेज व ख्वप कलेज अफ इञ्जनियरिङ भूकम्प इञ्जनियरिङ व अर्वानडिजाइन व कन्जभेसनया न्हूं भर्ना जु वपुं ब्वनामिपिन्ता लसकुस नपां अभिमुखीकरण ज्या इवः यासे मू पाहाँ नेपाल मजदूर किसान पार्टीया नायो भाजु नारायण मान बिजुकछु (रोहित) जँ ख्वप देता शिक्षा, स्वास्थ्य, सम्पदा ल्हवनय-कानय् व सुचुकुचुया लागाय प्रयोगशाला काथं हछ्याय मःगु खाँ व्याकसे ख्वप दे अः विदेशी पर्यटकपिनिगु लागिं छ्गू स्वय हायेँपुगु सहर काथं म्हासिइका पिब्ययो च्वंगु खाँ काडः दिल । ख्वप नगरपालिकापाखं चाय्क तःगु इञ्जनियरिङ कलेज दयानिं अपलं इञ्जनियरत दःगु खाँ कुल दिसे सरकारं इमानदारिता कःधाय फःगु जुसा दे थव स्वयो अपलं हज्याय फैगु खाँ नं वयकलं काडः दिल ।



राजनीतिक पार्टीत चिन्तन मनन याइगु दबु काथं हछ्याय मःगु खाँ व्याकसे वयकलं विदेशी विश्व विद्यालयया ज्या इवः भीगु देशय यो यो थें याकय् बियमज्यूगु खायेँ सचेत याडः दिल ।

ख्वप नगरपालिकाया प्रमुख नपां कलेज व्यवस्थापन समितिया नायो सुनिल प्रजापति जुं ख्वप देता ज्ञान विज्ञानया मू थाय काथं हछ्याय् लिपा थ्यंकया ज्या इवः काथं न्हयोछ्याडः वयो च्वडागु खाँ व्याक दिसे च्यागू शैक्षिक संस्थात व्यवस्थित काथं न्हयाकः च्वडागु खाँ व्याक दिल ।

वयकलं ता ई निसे पिडु च्वंगु ख्वप विश्व विद्यालय निः स्वानय्ता संसदं विधेयक पारित याकय्ता ख्वप नगरपालिकां मदिक्क कुतः याडः वयो च्वंगु उकिता म-गु पूर्वाधारत दय्क

च्वंगु खाँ कुलदिसे शिक्षा, स्वास्थ्य, सम्पदा ल्यंकः म्वाकः तय्गु, सुचुकुचु, पर्यटन, त्वनयगु नाः, ख्यः व सार्वजनिक जगगा ल्यंकः तय्गु नपां विकास निर्माणया ज्या हदाय तयो ख्वप नगरपालिकां साडः च्वंगु खाँ कुलः दिसे ब्वनामिपिन्ता थःगु है देशेय ब्वनय्गु वातावरण तयार याडः वयो च्वंगु खाँ व्याकः दिल ।

अथेहे कलेज व्यवस्थापन समितिया न्वकु उपप्रमुख रजनी जोशी जुं ख्वप इञ्जनियरिङ कलेज जनतां पुलय फैगु धेबां इञ्जनियरिङ शिक्षा बियोवयोच्वंगु खाँ कुलदिसे सम्मादायया लिधंसाय हज्याडः च्वंगु ख्वप सर्कलं देशादेशिया ब्वनामिपिन्ता दांकः शिक्षा ब्यूब्यूं वयोच्वंगु नपां ख्वप नगरपालिका शिक्षाया लागाय् सकसिया ‘रोल मोडल’ खः धायोदिसे थुगु विषयसं अनुसन्धानया तहांगु लाहा दैगु खाँ व्याकः दिल ।

ख्वप इञ्जनियरिङ कलेजया प्राचार्य सुजन माकं ख्वप नगरपालिकां चाय्कः तःगु कलेजया तातुना काडः दिसे बांलाकः भिंकः ब्वंकय्गुलि छुं गनां है म्हवं मजुइगु बचं बियोदिल । वयकलं भूकम्प इञ्जनियरिङ लागिं छ्गू तहांगु ल्याब दय्केगु ज्या हज्याडु च्वंगु खाँ व्याकसे कलेजया तातुना पूवांकय्ता सकलें शिक्षक कर्मचारीपुं छप्पाजुयो हज्याय् मः धायो दिल ।

ख्वप कलेज अफ इञ्जनियरिङ या प्राचार्य सुनिल दुवालं कलेजया गुणस्तर च्वजायकः तयता अनुसन्धानता बः बियो वयो च्वडागु खाँ व्याकसे स्नातकोतर तगिंया ब्वनामि पिसं शोधपत्रया ज्या नं हछ्याय् मः धायो दिल ।

भूकम्प इञ्जनियरिङ या विभागीय प्रमुख डा. मन्ज्जप शाक्य, अर्वानडिजाइन व कन्जभेसनया विभागीय प्रमुख लिबास फैजु, ख्वप इञ्जनियरिङ कलेजया वरिष्ठ उप प्राध्यापक सुविक कुमार श्रेष्ठ जु पिसं नं कलेजया सेवा, सुविधा व शैक्षिक गुणस्तरया खाँ काडः दिलसा ज्या इवः या मूपाहाँ बिजुकछु जूं स्व. डिल्ली बहादुर अधिकारी स्वर्ण पदक’ व ‘नारायण प्रसाद कोइराला स्वर्णपदक’ त्याकय्गुलि तःलाम्हा ब्वनामि दिनेश साखकःमि ता हना-पौ लः ल्हाडः दिल ।

उगु ज्या इवः सं ख्वप इञ्जनियरिङ कलेजया उप प्राचार्य ई. रबिन्द्र फौजु व ख्वप इञ्जनियरिङ कलेज अनुसन्धान व विकास युनिट्या कजि डा. सुबेगमान बिजुकछु जूं पिसं नं न्वचु तयो द्यूगु खः।

अन्तरक्रिया ज्या इवः

साउन २ जाते

जिल्ला निर्वाचन कार्यालय भक्तपुरया गवालय 'निर्वाचन व्यवस्थापनसं स्थानीय तहनपां मिलय जुयो नपां ज्या सानयगु' विषयसं मंगलवार जिल्ला समन्वय समिति खपया सभाहलय छगु अन्तरक्रिया जुल ।

ज्या इवःसं निर्वाचन आयोगया प्रमुख निर्वाचन आयुक्त दिनेश कुमार थपलिया जुं स्थानीय तहता मतदाता नामावली मुनयगु व न्हपायायगु गथे खः अथेह अद्यावधिक यायगु ज्या, मतदाता केन्द्र व केन्द्र व्यवस्थापन, निर्वाचन व मतदाता शिक्षा, बियगु ज्या नपां निर्वाचन सामग्री व्यवस्थापनया अधिकार स्थानीय तहता बियगु खायैः काथं ज्या जुयो च्वंगु खाँ काडः दिल ।



खप जिल्लां उगु ज्या न्ह्याक्यता खप जिल्लाया फुक्क स्थानीय तहया फुक्क जनप्रतिनिधिपुं व राजनीतिक दलया प्रतिनिधिपुं नपां न्हपांगु छलफलया इवलय थैया अन्तरक्रिया ज्या इवः तयागु खाँ वयकलं काडः दिल ।

निर्वाचन आयोग ऐन २०७३ हिलः भिंक्यगु खाँ जुयो च्वंगु खाँ ब्याकसे आयुक्त थपलियां स्थानीय तहं ज्यु धःसा जक ऐन हिलः च्वय् न्हिथांगु अधिकार स्थानीय तहता लः ल्हायगु नीतिगत निपां यायगु धायो दिल ।

ज्या इवः सं खप नगरपालिकाया प्रमुख सुनिल प्रजापति जुं मतदाता नामावली मुडः च्वयगु, मतदाता स्थल काथं लाथाय् तयगु नपांया अधिकार स्थानीय तहता बिझु लसकुसयाय् छिंगु खाँ काडः दिसे जनप्रतिनिधि व स्वापु दःपु पदाधिकारीपिन्ता निर्वाचनया विषय तालिम बियमः धायो दिल ।

निर्वाचन आयोग स्वायत्त व स्वतन्त्र ढंगं हज्यायमःगु विचः प्वकसे प्रमुख प्रजापति जुं निर्वाचन आयोग सुयायगु लाहाती म्हूछिडः

तःगु थें नियन्त्रित जुय मज्यगु व आयोगया ज्या न्ह्याक्यता अपलं बचत छख्य लिइकेमःगु बिचः प्वक दिल । मतदान केन्द्रे मत नियगु ज्या सुरक्षाया रूपं स्वयबलय नं तस्कं थाकुगु खाँ कुलदिसे वयकलं विदेशी तय्ता मतदानया अधिकार वियगु थजगु गम्भीर विषयसं राजनीतिक तह हे स्पष्ट जुयमःगु बिचः प्वकः दिल ।

सूर्यबिनायक नगरपारिकाया उप-प्रमुख सरिता तिमसिना (भट्टराई) जूं निर्वाचन आयोगं च्वय धायोतःगु अधिकारत सूर्य बिनायक नगरपालिकाता ब्यूसा उकिता छिंकः हछ्यायगु खाँ ब्याकसे बास सरय जुयो च्वं वपुं व मवपुं मतदातापिनिगु नां दुथाक्यगु खायैं स्पष्ट याय्ता मुख्य निर्वाचन आयोग क्य आग्रह याडः दिल ।

ज्या इवः सं नेपाल मजदुर किसान पार्टी नपांया थी थी राजनीतिक दलया प्रतिनिधिपिसं मतदातापिनिगु नां च्वयगु नपां अद्यावधिक यायगु मतदान केन्द्र व थाय व्यवस्थापन यायगु मतदाता शिक्षा बियगु नपां निर्वाचन शिक्षा बियगु ज्या स्थानीय तहता ब्यूसा बांलाइगु थुकियाय् खायैं व्याकक छलफल यायमः धाल ।

३१ छ्यगु खाँ

- खप जिल्ला दुनयया फुक्क स्थानीय तहपाखं निर्वाचन व्यवस्थापन नपां स्वापु दःगु मतदातापिनिगु नां च्वयगु नपां नां ल्यंकः अद्यावधिक यायगु मत क्वफवायगु थाय् काथंछिंक तयगु व मतदाता शिक्षा नपां निर्वाचन शिक्षा ज्या इवः न्ह्याक्यगु खाँ क्वः छित ।

- नपां निर्वाचन व्यवस्थापन सम्बन्धी ज्या स्थानीय तह पाखं सम्पादन याय्ता छगु छगु स्थानीय तहख्य तयो तःगु निर्वाचन एकाइ पाखं मःगु जनशक्ति छ्यलयगु व सोत साधनया व्यवस्थापन याडः सेवा न्ह्याक्यगु खाँ क्वः छित ।

- स्थानीय तहं निर्वाचन व्यवस्थापन याय्ता मःगु प्रणालीया व्यवस्था निर्वाचन आयोगं याडः उगु ज्या याय्ता मःगु कार्यविधि मापदण्ड दयकः उकिता मःकाथंया स्यनयगु ज्या निर्वाचन आयोग यायगु खाँ नं क्वः छित ।

च्वय न्हिथांगु खाँ ज्यात याय्ता मःगु दर्ता किट व सफ्टवेर अःयाता निर्वाचन आयोगं बियगु नपां अःलिपा मालिगु दर्ता किट नपां मःमःगु ज्या इवः त व्यवस्थापन याडः नगरिक पिन्ता अःपुकः, काथं छिंक व विश्वासवांक अलय् बांलागु लिच्चवः लाइगु काथं सेवा बियता स्थानीय तहं व्यवस्था यायगु ।

- उगु ज्या जू मजू स्वयागु, मःगु काथं ग्वाहाली यायगु व अःपुक न्ह्याक्य बियगु ज्या जिल्ला समन्वय समिति व जिल्ला निर्वाचन कार्यालयं यायगु खाँ क्वः छित ।

छात्रवृति बिल:

साउन ३ जाते

ख्वप नगरपालिकापाखं चायकःतःगु ख्वप कलेज अफ इञ्जिनियरिङ् ब्वडः च्वंपुं गरिब व जेहन्दार ब्वनामिपिन्ता ३९ लाख व पीढ्वतका क्वतिया छात्रवृत्तिया धेबा थौं छगु ज्या इवः याडः इडः बिल ।



त्रिभुवन विश्वविद्यालय सम्बन्धन कायो तःगु ख्वप कलेज अफ इञ्जिनियरिङ् ब्वडः च्वंपुं दद म्हा ब्वनामिपिन्ता ख्वप नगरपालिकाया प्रमुख सुनिल प्रजापति जुं उगु छात्रवृत्तिया धेबा इडः द्यूगु खः ।

उगुइवलय प्रमुख प्रजापतिजुं कलेज बिइगु छात्रवृत्तिं गरिब व जेहेन्दार ब्वनामिपिन्ता च्वय थ्यंकया उच्चशिक्षा कायगु मौका दैगु खाँ व्याकसे सेमेष्टरय् तःलापुं ब्वनामिपुं नं छात्रवृति कायो ब्वनय दैगु तहांगु उपलब्धी खः धायोदिसे गुलिं ब्वनामिपिसं मखुगु खाँ तयो छात्रवृत्ति कायतांगु खाँ काडः दिल । छात्रवृति कःपुं ब्वनामिपिसं बालाक ब्वडः थःगु आजु पु वांकयता द्वासा बियो दिसे वयकलं ख्वप विश्वविद्यालय ख्वपया जनताया जक माग मखुसें सकल जनताया मंकः माग खः धायोदिसे सरकारं थुकिता, मथां हे स्वीकृत बिय मः गुलि बः याडः दिल ।

इञ्जिनियरिङ्सं धेबा कमेयायगु व जागीर नयता जक ब्वनयगु मखुसें लोकं हवापुं इञ्जिनियर जुयो समाज पलिस्था याय मःगु नपां ब्वनामिपिसं नैतिकता अनुशासन व कर्तव्य त्वः मतः सिं हज्यायमः धायो दिल ।

उच्च शिक्षा ब्वनयगु नामय् दाय॑ लाखौं ब्वनामिपुं विदेशय् वाडः च्वंगु लि नेपः या विश्व विद्यालय ब्वनामिपुं भन भन म्हवं जुयो वांगुलिं कलेजत सद्कतय् लाडः वगु खाँ व्याकसे वयकलं ब्वनामिपिन्ता च्वजायकः ब्वंकयगु मौका नेपालय् हे दयकेता सरकारं

विशेष पलाछियमःधायो दिल ।

ख्वप नगरपालिका वडा नं ९ या वडाध्यक्ष नपां छात्रवृति सिफारिस समितिया कजि रबिन्द्र ज्याख्वं नगरपालिकां चायकः तःगु थीथी शैक्षिक संस्थां आना ब्वडः च्वंपुं ब्वनामिपिन्ता दाच्छिया प्यंगु करोड ख्वयो अपःया छात्रवृति इड वयो च्वंगु त्हुँगु पुस्ताता प्राज्ञिक काथं योगय याडः समाजता योगयपुं मनूत द्यकेगु, समाजया उत्तरदायी यायगु मतिं कलेज निस्वांगु खाँ काडः दिल ।

ख्वप इञ्जिनियरिङ् कलेजया प्राचार्य सुजन माकजुं ब्वनामिपिसं विषयगत ज्ञाननपां व्यवहारिक ज्ञान नं सयकः इञ्जिनियरिङ् लागाय् ग्यसुलागु ज्या यायता लाँपु काडः दिल । वयकलं छात्रवृत्तिया धेबा खथाय्यलः देश व समाजया नीतिं ज्या यायता द्वासा वियोदिल ।

ख्वप कलेज अफ इञ्जिनियरिङ्या प्राचार्य सुनिल दुवालं गरिब अलय् जेहेन्दार ब्वनामिपिन्ता छाय छात्रवृति बियमाला । धायगु खाँ कुलः दिसे छात्रवृति लाक ब्वंपिसं देश व समाजया बारे बिचः यायमः धायो दिल ।

ज्या इवःसं ख्वप कलेज अफ इञ्जिनियरिङ्या उप प्राचार्य रत्नशोभा प्रजापति व लेखा शाखा प्रमुख काजीबहादुर पञ्चं न न्वचु तयो द्यूगु खः ।

मिसात मुंकलः



ख्वप नगरपालिका वडा नं १ महिला समितिया ग्वसालय जुगु स्व. शोभा प्रधानया लुमन्ति कानूनी परामर्श सम्बन्धी खाँ कान्यता मिसात मुंकागु जुल । उगु मुं ज्या सं ख्वप नगरपालिकाया प्रमुख सुनिल प्रजापति जुं प्रशिक्षण याडः द्यूगु खः ।

सचिव हिम्यांगगु खप पौ. बःछि पौ(पाक्षिक)

भीमेश्वर नगरपालिकाया जनप्रतिनिधि ख्वपय्

साउन ४ गते



खप नगरपालिकाया प्रमुख सुनिल प्रजापति जु नपां भीमेश्वरनगरपालिका वडा नं ५ या वडाध्यक्ष बासु श्रेष्ठ विहिवार खप नगरपालिकाया सभाकक्ष नपालाडः स्थानीय तह शिक्षा, स्वास्थ्य, सम्पदा ल्यंकः स्वाकः तयागु नपां विकास निर्माणया ज्या,

सामुदायिक विकास कोषया धेबा लःल्हायगु ज्या

असार ३१ गते



तलेजु वचत पाखां न सामुदायिक विकास कोषया बच्छी धेबा ३९, २२५/- - तका दां खप नगरपालिकाता लः ल्हात। जनताया स्वास्थ्यया लागि उगु धेबा खर्च यायगु खाँ नगर प्रमुख सुनिल प्रजापतिजु धायो द्युगु खः।

कर्तव्य अलय अधिकार नपां नीतिगत निर्णयया खायै थःथःगु अनुभव काल बिल याडः दिल।

भीमेश्वर नगरपालिकाया वडाध्यक्ष बासु श्रेष्ठ जनचेतना ग्राम्य मफूगुलिं उगु नगरपालिकाया वडात शिक्षा व स्वास्थ्यख्य् अपल लिपा लागु अलय थःपिसं व्हिथानय् लाइकगु ज्या याय मफ्यागु खाँ काडः दिल।

खप नगरपालिकापाखां सयकः थः पिसं जनताता तप्यंक फाइदा जुइगु ज्या यायता थःपु हदायच्वड ज्या सानयता तयार दःगु खाँ व्याकसे व्यक्तलं थजगु अनुभव कालबिलया ज्या हकनं-हकनं याडः असल अभ्यास त डालकाय फैगु खाँ काडः दिल।

नपालायगु इवलय् खप नगरपालिका वडा नं ९ या वडाध्यक्ष रविन्द्र ज्याख्वः, प्रमुख प्रशासकीय अधिकृत विजय कुमार शर्मा, भीमेश्वर नगरपालिकाया वसन्त राज कार्की व राजु श्रेष्ठ पु भःगु खः। नपालायगु इवलय् प्रमुख प्रजापति जु वडाध्यक्ष श्रेष्ठ जु याता खप नगरपालिकाया पिथनात उपहार कायं लः ल्हाडः द्युगु खः।

तालिम

असार ३१ गते



खप नगरपालिकाया रवसालय याइगु चिनियाँ भाय स्यनयगु तालिमया सयकामिपुं मुङ्कः थुकिया तातुना मु पाहाँ खप नगरपालिकाया प्रमुख सुनिल प्रजापति जु काडः दिलसा वडा नं ९ या वडाध्यक्ष रविन्द्र ज्याख्व नपां चिनिया भाय स्यनामि राजेन्द्र चवालं न सयकामिपन्ता थुगु तालिमया खाँ काडः दिल।

सचिक्षण हिंस्यांगू ख्वप पौ. बःछि पौ(पाद्धिक)

पुँजीवादी व्यवस्थां भ्रष्टाचारीपिन्ता पाखुयो तैगु

साउन ४ गते

नेपाल मजदुर किसान पार्टी मध्यपुर नगर समितिया ग्रसालय जुगु कार्यकर्ता मुक्यांगु ज्याख्य नेमकिपाया केन्द्रीय दुजः नपां ख्वप नगरपालिकाया प्रमुख सुनिल प्रजापति जुं शासक दल याड दे भ्रष्टाचारां त्वपुयो यंकगु खाँ व्याकसे थथे मजुगुजुसा दे हज्याइगुलिं भ्रष्टत्यांगु ज्याया विरुद्धय सःव्यक्तसा तःलागु अपलं दसु हलिमय दःगु खाँ व्याकसे भ्रष्टाचारीपिन्ता पाखुयो तैगु पुँजीवादी व्यवस्थायाविरुद्ध जनता मदासे मजिल धायोदिल ।



व्यक्तलं सहकारीया नामय वित्तीय संस्थाय् अरबौतका भ्रष्टाचार जुयो च्वांगु खाँ कुलदिसे व्याजया लोभय जनतात फसय जुइगुलिं सचेत याय् मःगु खाँ व्याकसे स्वाभिमानता बरं

तालिम न्ह्यात



ख्वप नगरपालिकापाखं चाय्कः तःगु शिशु स्याहार केन्द्रया शिक्षिका नपां आयादिदी पिन्ता किपा च्वयांगु म्यै हालेगु, प्याखं ल्हयांगु नपां बाल मैत्री कासा स्यनयांगु विषय स्वन्हुया तालिम न्ह्यात ।

(बन्धक) तयो छु नं स्वदेशी व विदेशी ग्राहाली काय मज्यू धायो दिल ।

बालुवाटार जगगा प्रकरण्य नक्कली (खसां मखुसांया) महवय द्यकः भ्रष्टाचार यापुं न्हपायायांपुं प्रधानमन्त्री पिन्ता मुद्दा चलय मयागुलिं भ्रष्टत कानुन स्वयो च्वय लागु खाँ व्यक्तलं काडः दिल ।

नेमकिपाया केन्द्रीय दुजः अनुराधा थापा मगरं राजनीतिक चेतना दःगु समाजय भ्रष्टाचार म्हवः जुइगु, साम्राज्यवादी त्यसं दे थःगु लाहातय लाक्यता आइएनजिओ पाखं धेबां ग्राहाली याड भ्रष्ट याइगु नपां जनता ल्वाकिगु खाँ थुइकः न्हांगु पुस्ता समाजय भ्रष्टाचारया विरुद्ध दानयमः धायोदिल ।

भेलासं मथि नपा वडा नं द या वडाध्यक्ष रमेश थापा श्रेष्ठ जनताया सेवाया लागि चाय्कः तःगु सहकारी भ्रष्टाचार जुइगु दुःख्या खाँ खः धायोदिल ।

व्यक्तलं समाजया निंति ज्या याइपुं कार्यकर्ता पिसं गुब्ले हे थःगु व्यक्तिगत स्वार्थय जुयमज्यू धायोदिसे नेमकिपाया कार्यकर्ता या बः धायांगु हे नैतिकता, सदाचारिता व जनताया निःस्वार्थ सेवा यायांगु भावना खः धायोदिल ।

नेमकिपा मध्यपुर नगर समितिया नायो भाजु रमेश वैद्यया सभानायोलय जूगु ज्या इवः सं किसान न्ह्यलुवा सुन्दरराम था श्रेष्ठ, नेमकिपा मध्यपुर नगर समितिया न्वकु वीरकृष्ण प्रजापति व दुजः सुरेन्द्र था श्रेष्ठ नं न्वचु तयो द्यूगु खः ।

भ्रष्टाचार विरोधी दिवस



नेपाल मजदुर किसान पार्टी द वडा सेल कमिति ख्वपया ग्रसालय जूगु २०२५ साल साउन २ गते जूगु भ्रष्टाचार विरोधी आन्दोलनया लुमन्ति २०८० साउन २ गते मंगलबार छूगु ज्या इवः जुल ।

थी थी ब्वनय्कुथिया ब्वनामिपुं ख्वप नगरपालिकाय्

साउन ४ गते

ख्वप नगरपालिकाया प्रमुख सुनिल प्रजापति नपां बाल विकास सेकण्डरी स्कूल लिवाली द या गुगू व हिगू तगिंया ब्वनामिपुं नपाल: बःबलय वयकलं लसकुस यासे ख्वपया बःचाहाकलं इतिहास, ख्वप नगरपालिकापाखं चाय्क तःगु कलेजतय्गु विस्कं पह: दांक, भिंक: २१ गू शदिया लागिं योग्यपुं देशभक्त नागरिक ब्वलांकय्गु, समाजता बुद्धिजीवीकरण याय्गु खाँ ब्याकसे ख्वप नगरपालिकां शिक्षा, स्वास्थ्य, सम्पदा ल्यंक: म्वाक: तय्गु, कासा ख्यलय देया दकलें सक्रियगु नगरपालिका नपां ख्वप सर्कल थ: हे छगू विश्व विद्यालय थे जायक: न्ह्याक: च्वंगु नपां ख्वप विश्वविद्यालय चाय्केता मःगु भौतिक पूर्वाधार दय्क च्वंगु खाँ न्हि थांसे म्हेग: शिक्षाया लागाय् अपलं लिपा लागु ख्वप दे थौ देशांदेछिया ब्वनामिपिनिगु च्वजःगु गन्तब्य स्थल काथं हज्याडः: च्वंगु थुगु ज्याखय् न्ह्यलुवा पिनिगु तहांगु लाहा दःगु खाँ ब्याक: दिल ।

ब्वनामिपिनिगु न्ह्यस: या लिस: बियो दिसे वयकलं ख्वपया बिस्कं पह: व म्हासिइका सिइके बियगु मति स्थानीय पाठ्यक्रम दय्क: ब्वंकय् बियागु दे व समाजया जिम्मेवारी व नैतिकवान नागरिक जुय मगु खाँ ब्याक: दिल ।

ज्या इव: खय् वपुं ब्वनामिपिसं छूँ छूँ नर्सिङ्ड सेवा,



शिक्षा, स्वास्थ्य, छात्रवृति, कासा प्रशिक्षकय् ख्वप नगरपालिकाया भूमिका व ख्वप विश्व विद्यालयया खाँ न्यंगु खः ।

ज्या इवलिपा ख्वप नगरपालिकाया पिथनात मतिनाया चिं काथं ब्यगू खःसा नगर प्रमुख प्रजापति जू याता नं मतिनाया चिं लः ल्हागु खः ।

अहेथे हे साउन ५ गते इवामुरा हेल्थ साइन्स फार्मेसी या ब्वनामिपिनिगु छगू पुचलं प्रमुख प्रजापति जू याता नपालाडः ख्वप नगरपालिकां याडःच्वंगु शिक्षा, स्वास्थ्य, सुचुकुचु, पर्यटन प्रवर्द्धन व फोहर थासय् लाक्यगुया पंगः या खाँ ब्याकसे मेमेगु विकसित देशं थे याय् मफूसां न्हू न्ह्यगु प्रविधि छ्यल: छखय् लाक्य् फैगु खाँ ब्याकसे ख्वप नगरपालिकां सुचुकुचुयाइपुं ज्यामि (मजदुर) पुं व्यवस्था याडः फोहरता नेपाली सः दय्कः छुं भाति आम्दानी याडः च्वंगु, थाय् थासय् स्वंमा, सिमाचापिडु वाउँक तयो तःगु, स्नातक तगिं निसें पि. एचडी तकया ब्वनामिपिन्ता छात्रवृति ब्यू ब्यूं थुगुसी तर्कशास्त्र, अर्थशात्र व दर्शन शास्त्रता नं छात्रवृति वियागु खाँ नपां ब्वनामिपुं अनुशासित व नैतिकवान व इमान्दार जुयो दे व समाजप्रति उत्तरदायी जुयो ज्या सानय्मः धायो दिल ।

ज्या इव: सं श्यानिटेशन शाखाया प्रमुख दिलिप कुमार सुवालं फोहरथासय् लाक्यता ख्वप नगरपालिकां याडः च्वंगु ज्यात काडः दिल ।



फोहर थासय् लाकय् गु ज्या निजीता विय मज्य्

साउन ७ जाते

सहकारी विकास मन्त्री सीता गुरुडया नकीलय् स्वनिगःया नगरप्रमुखपुं मुकः: 'फोहरमैला व्यवस्थापन कार्ययोजना २०८०' या मस्यौदाया खायें छलफल याय् गु इवलय् वयकलं फोहर मुनय् गु छु छग् पालिकाया जक मखु देशां देछिया समस्या खः धायोदिल ।



फोहर थासय् लाकय् ता स्वापु दःपु नपां मदिकक छलफल याडः च्वनय् गु बचं बिसे मन्त्री गुरुडं सहरी विकास मन्त्रालयं दयकगु ल्याण्ड फिल्ड साइट लः ल्हायता काथं मछिड च्वंगुलिं थुकि अःपुकय मःगु खाँ ब्याकसे थुकिया जिम्मेवारी संघ, प्रदेश व स्थानीय तह सुयाय् गु धाय् गु स्पष्ट मज्गुलिं समस्या वगु खाँ काडः दिल ।

ज्या इवःसं ख्वप नगरपालिकाया प्रमुख सुनिल प्रजापति जुं फोहर थासय् लाकय् गु जिम्मा निजी लागाता वियमज्युगु सुभाव बियोदिसे थुगु ज्या थाय् थासय ख्वडः याय् मःगु फोहर थासय् लाकय् ता मःगु ज्या भः(उपकरणत) त व बजेट स्थानीय तहता बियमःगु खाँ काडः दिल ।

ख्वप नगरपालिकां फोहर वैगु थासं हे म्हवँ याय् ता छुं छुं ध्वगिइगु व ध्वमगिइगु फोहर बिस्कं बिस्कं मुडः कसि खेती व नेपाली (कम्पोष्ट) सः दय्केगु तालिम नपां नेपाली सः दय्क

किसानतय्ता दांक : मियो वयो च्वंगु खाँ काडः दिसे विकसित दे या प्रविधि व अनुभवं सय्क भीगु देशं वैज्ञानिक ढंगं फोहर थासय् लाकय फैगु खाँ ब्याक दिल ।

अथेहे यल महानगरपालिकाया प्रमुख चिरी बाबु महर्जनं फोहर थासय् लाकय् ता बञ्चरे डाँडाया पालिसा मेगु थाय संघ सरकारं बियमःगु, नेपः बेष्ट कम्पनी प्रा.लि. खारेज याड, न्हूँह्नूँगु प्रविधि छ्यलः फोहर थासय् लाकय् फः धायोदिल ।

अथेहे गोडावरी नगरपालिकाया प्रमुख गजेन्द्र महर्जनं अपलं बजेट बियो फोहर थासय् लाकय् गु जिम्मा स्थानीय तहता बियमः धायो दिलसा कागेश्वरी मनोहरा नगरपालिकाया प्रमुख उपेन्द्र कार्की फोहर थासय् लाकय् ता स्वं तहया ज्यात स्पष्ट याय् मःगु, गोकर्णेश्वर नगरपालिकाया प्रमुख दिलिप कुमार रिसालं फोहर व्यवस्थापनय न्हूँ न्हूँगु प्रविधि छ्यलः जनचेतना ग्वाकय् मःगु, चन्द्रागिरी नगर प्रमुख घनश्याम गिरी, बुद्धानिलकण्ठ नगर प्रमुख मिठाराम अधिकारी, चाँगुनारायण नगर प्रमुख जीवन खत्री, मध्यपुर नगर प्रमुख सुरेन्द्र श्रेष्ठ पिसं बञ्चरे डाँडाया पलिसा मेगु थाय बियमःगु लिपाः थ्यंकः समस्या मवैगु काथंया योजना सरकारं वियमः धायो दिल । लगानी बोर्डया महानिर्देशकं बोर्डया २३ कगु बैठकं यैं नपा नगरपालिकाया फोहर मुनय् गु नेपः वेस्टता व्यूगु अलय् वं तः लाक याय् मफूगु खाँ काडः दिल ।

वयकलं काठमाण्डौ फोहर व्यवस्थापनया फुक्क सम्भौता नपां भवं फुक्क काठमाण्डौ महानगरपालिकाता न्हपा हे बियधुंगु खाँ काडः दिल ।

बैठकसं लगानी बोर्डया कुखिय् गु ज्या जुल । लगानी बोर्ड निजीता जिम्मा व्यूगुलिं हे समस्या वगु खाँ ब्याकसे उगु कम्पनीनपांया सम्भौता भंग ज्गु क्वः छियता नगर प्रमुख पिसं माग याडः दय्गु खः ।

उगु ज्या इवः सं ग्वसाखल निर्देशक रविन्द्र बोहरां फोहर मैला व्यवस्थापन कार्य योजना मस्यौदा २०८० या प्रस्तुतीकारण पिब्बयो दय्गु खः सा मन्त्रालयया सचिव रविन्द्र नाथ श्रेष्ठं ज्या इवः याय् मःगु या खाँ ब्याकः दिल ।

**नगरपालिका भीगु हे संस्था खः
इलयहे करपुल ग्वाहाली याय् नु**

सचिव हिम्यांगगु खप पौ. बःछि पौ(पाक्षिक)

संघ व प्रदेश सशर्त बजेट म्हवँ याय् मालः

साउन ८ गते

खप नगरपालिकाया प्रमुख सुनिल प्रजापति जुं संघ व प्रदेश समानीकरण अनुदान अप्वः तयो सशर्त बजेट म्हवचा जक ततं यंक्य मःगुलि उकिया अखः ज्या याडः च्वंगु ज्या स्थानीय तहया स्वायत्तता व विकेन्दीकरण्य संघ व प्रदेश थःगु लाहातय् म्हृष्ठिड तयतांगु खः धायो दिल ।

राष्ट्रिय प्राकृतिक स्रोत व वित्त आयोगया समानीकरण अनुदान कार्य सम्पादन सूचकया खायैं सःतगु छलफल ज्या इवः सं न्वचु तयो दिसे वयकलं स्थानीय तह बल्लाकय्यु खः सा अनुदान अपः तयमःगु लिं संघं पक्षपात, महितां स्वयो खप नगरपालिकाता ऐन व कानुनं बिय मःगु बजेट हे मब्यूसें अन्याय् यागु खाँ काडः दिल ।

स्थानीय तहता बल्लाकय् मःगु अलय जिल्ला समन्वय समिति मःला म्वःला धाय्यु अपलं खाँ प्याहाँ वयो च्वंगुलिं थुकिता



खारेज याय् मःगु अलय् चाकडी व पहुँचया भरय् बजेट छख्य् लिङ्के मज्यूगु खाँ वयकलं धायोदिल ।

वयकलं संविधान्य संधीयता वल धःसां सिंहदरवारे च्वनिपिसं थःगु हे जक थैं एकात्मक सोचं ज्या याडः च्वंगु खाँ व्याक्से संविधान्य च्वयो तःगु साभा सूची च्वंगु अधिकारत इडः कानुन द्यके मः धायो दिल ।

राष्ट्रिय प्राकृतिक स्रोत व वित्त आयोगया मा. सदस्य अमरराज मिश्रं संविधानया अखः स्थानीय तहया समानीकरण बजेट कताइगु ज्या जूगु खाँ खः धायो दिसे समानीकरण अनुदान कार्य सम्पादन सूचकया खाँ स्थानीय तह थःहे गवाय्मः धायो दिल । दमक नगरपालिकाया राम कुमार थापां आयोगया सिफारिस काथं मन्त्रालयं समानीकरण व विशेष अनुदान इयमःगु नपां अनुगमन नं यायमः गु स्थानीय तहया सूचकया लिंदंसाय् अनुदान या धेबा वियम धायोदिल ।

नेपाल नगरपालिका संघया महासचिव नपां घोराही नगरपालिकाया प्रमुख नरुलाल चौधरीं स्थानीय तहता वित्तीय व समानी करण बजेट गनां मपांसिं बिय मःगु कानुनी व्यवस्था दःगु लिं निष्पक्ष काथं छोयो ल्यमःगु अलय् स्थानीय तहत नं वित्तीय रूपं अनुशासित जुयमः धायोदिल । अथेहे गाउँपालिका राष्ट्रिय महासंघया नायो कालिका नपाया प्रमुख विनोद रेग्मी, धुनिबेसी नपाया प्रमुख बालकृष्ण आचार्य पिसं न्वचु तःगु खः सा आयोगया उप सचिव राजु बस्नेतं उगु विषयया प्रस्तुति पिढ्वगु खः ।

सामुदायिक विकास कोष लः ल्हाय्यु ज्या भवः

खप नगरपालिका वडा नं १० कमल विनायकया सुनाखरी कृषि सहकारी संस्था पाखं सामुदायिक विकास कोष या बच्छी धेबा हिँद्व व नेस तका दां खप नगरपालिकाया प्रमुख सुनिल प्रजापति जू याता साउन ७ गते लः ल्हाडः दिल ।



नायो भाजु बिजुक्छुँ नपाँ चिनियाँ नेता युआन

साउन ८ गते

नेपाल मजदुर किसान पार्टीया नायो भाजु नारायणमान बिजुक्छुँ जु नपाँ स्वन्हया नेपालय चाह्यू भःम्हा चिनियाँ कम्युनिष्ट पार्टीया पोलिटब्यूरोया दुजः नपाँ छोड्छिड नगरपालिकाया पार्टी समितिया छ्याङ्जे युआन चिया च्यून जु नपालाडः दिल ।



जनताया सेवा याय्गु चिनियाँ कम्युनिष्ट पार्टीया अनुभव नेपाली जनतां सयकः थुइकः वगु खाँ कुलः दिसे नायो भाजु बिजुक्छुँ जुं चीनपाख सम्पदा ल्यंकः म्वाकः तय्गु फोहर थासय् लाक्य्गु, देसी सः कारखाना दय्केगु खाँ ज्या सय्के फःगु बिचः प्वंकः दिल । नेपः व चीनया दथ्वीया पासाया स्वापु (मैत्रीपूर्ण सम्बन्ध) अभ व्वातुक तयता चीन नेपालया उच्चस्तरीय भ्रमण ग्वाहाली जुइगु खाँ प्वंकसे नेपः व चीनया स्वापु यक्व हे पुलांगु खाँ कुलः दिल ।

चिनियाँ प्रतिनिधि मण्डलया नेता युआन चियाच्यून चीनया पुलांम्हा पासा नपाँ नपालाय्गु मौका दःगु खाँ ब्याकसे नेपाल मजदुर किसान पार्टी जनताया सेवा याय्गु राजनैतिक प्रतिबद्धता व सांस्कृतिक सम्पदा ल्यंकः म्वाकः तय्गुलि याड च्वंगुतस्कं बालागु ज्याख थःता बालागु लिच्चवः लागु खाँ काडः दिल ।

चिनियाँ कम्युनिष्ट पार्टीया २० कगू महाधिवेशनं चीनिया लिपा थ्यंकया भविष्य क्यंगु खाँ ब्याकसे नेता युआन अःउगु लाँपुतिं तःलाक हज्याय्ता योग्य व साहसिलो (भिंपु-फःपु) कार्यकर्तात ल्यगुलि पार्टी याडः च्वंगु खाँ काडः दिल ।

चिकपाया २० कगू महाधिवेशनं पार्टी बल्लाक्यगुलि राजनैतिक, वैचारिक व सांगठनिक ज्या नपाँ अनुशासनय बः बियो च्वंगु खाँ काडः दिल ।

भष्टाचारविरोधी आन्दोलनता हज्याक च्वंगु खाँ ब्याकसे नेता युआन धात्थे धाय्गु खः सा पार्टी दुनय् राष्ट्रपति सिचिन फीड या न्ह्यलुवा व विचः पलिस्था यागु खाँ काडः दिल ।

नपालाय्गु इवलय नेमकिपा पाखं केन्द्रीय छ्याङ्जे प्रेम सुवाल व केन्द्रीय दुजः सुनिल प्रजापति नं भःगु जुल सा चिकपा पाखं पुचःया टोलीनेता नपाँ विदेश विभाग उप प्रमुख कुओ थचउ, छोड्छिड नगरया पार्टी स्थायी समितियां दुजः पुं छन मिड पां, व लुओ लिन, पार्टी विदेश विभागया दक्षिण एशियाली ब्यूरो प्रमुख छन सिउपीन नं भःगु खः ।

नपालाय हाँ पोलिटब्यूरोया दुजः युआनता ख्वप लाय्कुली ख्वप नगरपालिकाया प्रमुख सुनिल प्रजापति, वागमती प्रदेश सांसद सुरेन्द्रराज गोसाई, उप प्रमुख रजनी जोशी, कार्यकारी अधिकृत विजय कुमार शर्मा, कार्यपालिकाया दुजः व वडाया दुजः पिसं लसकुस याडः द्यगु खः ।



प्रतिनिधि मण्डल ख्वपया सिंहध्वाका दरवार, ड्युडापा इयो दरवार, डातापोलहँ देगः तस्कं लयतायो स्वयो दिल । प्रतिनिधि मण्डलता स्थानीय जनताया सांस्कृतिक पुचलं परम्परागत बाजा व प्याखं क्यडः लसकुस याडः दिलसा परम्परागत पोशाक्य् लाँय नेख्य् सिथ्य् दाडः च्वंपु मिसामस्त व ब्वनामिपिसं लाहापा थाडः लसकुस याडः दिल ।

सचिवहित छवप पौ. बःछि पौ(पाक्षिक)

छात्रवृति लापुं ब्वनामिपित्ता ब्वंकः बिइगु

साउन ९ जाते

खवप नगरपालिकाया प्रमुख सुनिल प्रजापतिया नायो सुई खवप नगरपालिका दुनयै न्ह्याकः तःगु ११ गू व १२ गू तगिंया प्रधानाध्यापक पुं संक छात्रवृति सिफारिस व छात्रवृति छनोट परीक्षा या विषय खवप नगरपालिकाया सभाकक्षसं बैठक जुल ।



उगु बैठकं खवप नगरपालिका दुनयै चाय्कः तःगु ब्वनयैकुथि कलेजय् गरिब, जेहेन्दार व छात्रवृतिया लागिं सिफारिस यापुं ब्वनामिपित्ता ब्वंकयगु सहमति या खाँ व्वः छित ।

बैठकसं प्रमुख प्रजापतिं खवप नगरपालिकां शिक्षाया जग बल्लाकः सामुदायिक व संस्थागत ब्वनयैकुथिता उथिंयकं हछ्याय्यता थी थी शैक्षिक ज्या इवः ता याडः वगु खाँ काडः, दिलसा खवपया ब्वनामिपित्ता २१ गू सदिया योग्य (तःलापुं) नागारिक काथं ब्वलांकय्यता व धेबा मता धायो च्वय्या शिक्षा काय मखाना धाय म्वाय्केता खवप नगरपालिकां २०७५ साल निसें छात्रवृति ब्यू ब्यू वयो च्वंगु खाँ काडः दिल । वयकलं छात्रवृति कायो ब्वंपिनिगु

अवस्था गथे दः धायो ब्वनयै कुथिं नगरपालिकाता कानयै मःगु खाँ कुलदिसे खवप देया शिक्षा अजनं धिसिलाक हछ्याय्यता ब्वनयैकुथिपुं क्रियाशील जुयमः धायो दिल । उप प्रमुख रजनी जोशी ब्वनामिपिसं त्वःमफिइक ब्वडः वानयैता छात्रवृतिया तहांगु लाहा दैगु खाँ व्याकसे गरिब अलयै जेहेन्दार ब्वनामिपित्ता अभः छात्रवृति भियागु खाँ व्याकः दिल ।

प्रमुख प्रशासकीय अधिकृत विजय कुमार शर्मा ब्वनयैकुथिया प्र.अ.पुं नपाया खँल्हाबल्हां वगु सुभावत तस्कं बालागु खः धायोदिसे नगरपालिकाया छात्रवृतिया खाँ ब्वनामिपित्ता इलयै हे थुइकः बियमः धायोदिल ।

नगर शिक्षा शाखा प्रमुख कृष्ण प्रसाद कर्मचार्य खवप नगरपालिकाया छात्रवृति छनोट परीक्षाख्य विज्ञान ब्वनिपुं ३७० म्हा, व्यवस्थापनयै ३१५, मानवीकी-१३, शिक्षाख्य १९ व कानुनयै २६ याडः ७४३ म्हा सिनं परीक्षा बिइ धायो दिल ।

बैठक्यै भःपुं संस्थागत व सामुदायिक ब्वनयैकुथिया प्र.अ.पिसं छात्रवृति छनोटपरीक्षा बालाक कायमःगु अध्ययनशील व जेहेन्दार ब्वनामिपित्ता जक छात्रवृति बियमःगु ब्वनयैकुथि द० प्रतिशत हाजिरी जूपुं ब्वनामिपित्ता हदाय तय मःगु, छात्रवृति लापुं ब्वनामिपित्ता मुकः नगरपालिकां लापुं क्यनयै मःगु, ११ गू व १२ गू तगिंयै ब्वनिपुं ब्वनामिपित्ता बौद्धिक व अतिरिक्त ज्याइवः न्ह्याकय्यता बः याय्मःगु, ब्वनयैकुथिं स्वयो हे ब्वनामिया योग्यता स्वयो १० प्रतिशत छात्रवृति ब्यू ब्यू वयो च्वडागु खाँ तयो दिल ।

खवप नगरपालिकां शैक्षिक वर्ष २०८०/८१ या लागिं छात्रवृतिकायो ब्वनयै मनदःपित्ता २०८० साउन १३ गते शनिवार खवप माध्यमिक विद्यालय देकोचाय्य सुथाय्सिया दः०० तालयै छात्रवृति छनोटपरीक्षा काइगु खः ।

छिकोड्ग कासा

खवप नगरपालिका बडा नं ७ या गवसालय २०८० साउन १ गते निसें छिकोड्ग कासा (शारीरिक व्यायाम) न्ह्याकगु जुल ।



सचिव हिंप्यांगू ख्वप पौ. बःछि पौ(पाक्षिक)

विकास कोष लः ल्हाड

लिवाली द या उदय बचतं नं सामुदायिक विकास कोषया बच्छी धेबा ५२ द्व व गुस व डुप्पर्का दां ख्वप नगरपालिकाया प्रमुख सुनिल प्रजापतिता २०८० /४/१० गते बुद्धबार लः ल्हाडः दिल ।



अथेहे श्रमजीवी बचत पाखं नं सामुदायिक विकास कोषया बच्छी धेबा ८० द्व तका दां ख्वप नगरपालिकाय उप प्रमुख रजनी जोशीता २०८० साउन १२ गते शुक्रबार लः ल्हाडः दिल ।



बहिरा संघया ज्याइङ्वः

साउन ७ गते

भक्तपुर बहिरा संघया गवसालय नपां भक्तपुर जिल्ला तेक्वाडो संघया मंकः कुतलय ख्वप नगरपालिका दुनया न्हयपतं मतः पुं खुसीपुं मिसा मस्तयू आत्मबल च्वजाय्केता चेतनामुलक आत्मरक्षाया प्रशिक्षण ज्या इवः भक्तपुर साकोसया सभाहलय् जुल ।



ज्या इवः सं ख्वप नगरपालिकाया उप-प्रमुख रजनी जोशी ख्वप नगरपालिकां ख्वप नगरपालिकाय् दय्कः तःगु अपाङ्गता समिति

पाखं दायঁ दायঁ पतिकं अपाङ्गता दिवसया लसताय् थी थी कासाया धिं धिं बल्ला, अमिता मःगु सामग्रीत इडः बियगु, खाँ ब्याकसे अपाङ्गता जुपिन्ता शिक्षा अभः च्वजाय्के वियता कुतः जुयो च्वंगु खाँ ब्याक दिल ।

वयकलं ख्वप नगरपालिकां २२ म्हा सिता लच्छिया साङ्केतिक भाय्या तालिम बिय धुंगु खाँ कुल दिसे अःलिपा सीप विकासया तालिमत वियगु कुतः जुयो च्वंगु खाँ ब्याकः दिल ।

अथेहे ख्वप नगरपालिकां वडा नं ९ या वडाध्यक्ष रविन्द्र ज्याख्वं पूँजीवादी समाजय धेबा दः पुं तः मि पिसं न्ह्यागु यासां जिझुलिं गरिबपुं घायँ चुं दाथे जुझुगु खाँ ब्याकसे आत्मरक्षाया तालिम अपाङ्ग जूपुं मजूपुं सकल सिनं काय्मः धायो दिल । वयकलं थौं कन्हेया ल्यासे ल्याम्होपुं कुलतय् लाडः आपराधिक ज्या इवः ख्य लाडः च्वंगु समाजता सुरक्षित व सुसंस्कृत याय्ता ल्यासे ल्याम्होपिन्ता खःगु लाँपु क्यनमः धायो दिल ।

संघया सभानायो नपां भक्तपुर बहिरा संघया नायो जयराम पक्का नेवारया नायोसुई क्वचःगु, उगु ज्या इवः या प्रशिक्षक पद्मा ख्यरगोली व संघया दूजः मन्दिरा पराजुलिं न्वचु तयो द्यूगु खः । ज्या इवया सांकेतिक भाषं भाय हिलामि शिलु शर्मा याडः द्यूगु खः ।

सचिव हिम्यांगगु खप पौ. बःछि पौ(पाक्षिक)

ब्वनामिपुं विशेषज्ञ जुयो देश व जनताया सेवा यायमः

साउन १३ गते

‘छम्हा छम्हा ब्वनामिपिसं विशेषज्ञ जुयो देश व जनताया सेवा यायमः।’



नेपाल मजदुर किसान पार्टीया केन्द्रीय दुजः नपां खप नगरपालिकाया प्रमुख सुनिल प्रजापति जुं नगदेश सामुदायिक सिकाइ केन्द्रिया गवसालय शनिबार जूगु एसईई पास जूपुं ब्वनामिपिन्ता सुभाय देखायगु ज्या इवः सं च्वयया खाँ न्हिशाउदिसे वयकलं थमनं फःगु विषय ल्ययो ब्वडः समाजय ह्यूपा ह्यूगु भावना ब्वलांकः ज्या सानयमः धायो दिल ।

वयकलं पिनय् ब्वँ वानयगु फेशन थैं जुय धुकगु खार्य चिन्ता प्वकसे अः दाच्छिया लाखाँ ब्वनामिपुं विदेशय् ब्वँ वांसेलिं अरबाँ तका दाँ प्याहाँ वांगु जक मखु सलंसः कलेजत तियमालः ।

सचेतना च्याली

खप नगरपालिका वडा नं. ८ या गवसालय् अः खानय् दयो वगु डेंगु ल्वचं मथिङ्कः मपुक च्वनयता जनताता सचेत यायगु काथं च्याली यागु जुल ।



धात्थे थवहे ल्याखं ब्वनामिपुं प्याहाँ वाडः ब्वँ वांसा ५/१० दा लिपा देया बच्छी स्वयो अपः कलेजत तिय मालिगु अवस्था वै । शिक्षा मन्त्रालय व पदाधिकारीपुं थुकिया जिम्मेवार खः ।

खप नगरपालिकां दांकः भिंकः बालाकः च्वय् थ्यंकया शिक्षा वियगु मतिं चायकः तःगु कलेजय् मध्यपुर नपां देशां देखिया द्वलद्व ब्वनामिपिसं ब्वडः च्वंगु खाँ काडः दिल ।

गणेश मा.वि.या प्र.अ. केशव चरण श्रेष्ठ ब्वनामिपुं तलागुलि अभिभावक व शिक्षकपिनिगु नं तहांगु लाहा दःगु खाँ ब्याकसे थजगु ज्या इवः खं ब्वनामिपिनिगु मन हवइगु खाँ काडः दिल ।

सानोथिमि क्याम्पसया सहायक क्याम्पस प्रमुख रामकृष्ण दुवालं जीवनय् ल्ययगु ई वै बलय् अः जकया मस्वसे लिपा थ्यंकया बिचः याडः ल्ययमः धायो दिल ।

अथेहे लर्ड बुद्ध इद्गालिश स्कूलया निर्देशक बुद्ध रत्न बाडे, गणेश मा.वि. या न्हपा यायम्हा प्र.अ. रञ्जना देवी प्रधानाङ्ग, हिमचुली ऐकेडेमीया प्र.अ. गणेश राम कालु व जन्मभूमि बोडे साफूकुथिया संस्थापक सजीव श्रेष्ठपिसं ब्वनामिपिन्ता च्व जायकः ब्वंकः थःबुगु दे या सेवा यायता ध्वास बियो दिल ।

शिक्षिका गीता प्रजापति (बाडे) जुं नं न्वचु तयो द्यूगु उगु ज्या इवः या सभाया नायो संस्थाया नायो विक्रम वैद्यं याडः द्यूगु खः ।

ज्या इवः सं २०७९ सालय् एस ई ई पास जू पुं ४२ म्हा ब्वनामिपिन्ता प्रमुख प्रजापति जुं दसिपौ लः ल्हाडः द्यूगु खः ।

प्रवचन ज्या इवः

भक्तपुर सकोस संरक्षक जुयो च्वंगु ‘भक्तपु आदर निकेतन’ पलिस्था दिं या लसताय् गवसः गवगु प्रवचन ज्या इवः २०८० सं खप नगरपालिकाया प्रमुख सुनिल प्रजापति जुं सम्बोधन याड दिल ।



सचिव हिंस्यांगू ख्वप पौ. बःछि पौ(पाक्षिक)

चिनियाँ राजदूत छनसोड़ता ख्वपय लसकुस

नेप: या लागिं चिनियाँ राजदूत छन सोड नपांया पुचः ता शनिवार ख्वप नगरपालिकाया प्रमुख सुनिल प्रजापति, बागमती प्रदेश सभाया दुजः सुरेन्द्र राज गोसाई व उप प्रमुख रजनी जोशी ख्वपया लाय्कु ध्वाकाय् तकातपुली, खादा व स्वाम्ह बियो साउन ६ गते लसकुस याडः दिल ।

उगु पुचलं लाय्कु तःमाही, गःहिति भायो लुँध्वाका, फसिदेग: डातापोहँ, लक्ष्मी नरसिंह देग: स्वयो दिल ।



जापानिज भाषाया तालिम काइपुं मुंकल

साउन १२ गते

ख्वप नगरपालिकापाखं न्ह्याकिगु जापानिज भाषाया तालिम काइपुं ब्वनामिपुं मुंकः ख्वप नगरपालिकाया प्रमुख सुनिल प्रजापति जुं पिनय् वानय्गु मति विदेशी भाय सय्केगु मखुसें थःगु देया सेवा याय्गु मति तयो समाजता हछ्याय्गु मति तय मःगु नपां भीथाय् द्वाह वयो च्वांपु विदेशीत अप्वयो वसेलिं विदेशी भाषाया महत्व दयो वयो ख्वप नगरपालिकां भाय् स्यडल्यासे ल्याम्होपिन्ता गवाकय्गु ख्वप



देता स्मार्ट सिटी मखु हलिमय स्वय हाय्य पुगु सहर काथं हछ्याय्गु ख्वप नगरपालिकाया तातुना खः धायो दिल ।

व्यवस्थित व सुविधां जःगु सहर हे स्मार्ट सिटी खः धायो दिसे वयकलं भायखं नेगु देया स्वापु बांलाकय् फैगु नपां विदेशय् वाडः ज्या सानय् स्वालिगु खाँ न ब्याकः दिल ।

ख्वप नगरपालिका वडा नं. ९ या वडाध्यक्ष रविन्द्र ज्याख्व ख्वप नगरपालिकां ल्यासे ल्याम्हो पिन्ता लाहातय् ज्या दय्क वियगु काथंया तालिमत न्ह्याकः च्वांगु नपां विदेशी भाय नं बांलाक सःपुं काथं हछ्याय्ता तालिम बियो च्वांगु धायो दिलसा प्रमुख प्रशासकीय अधिकृत विजय कुमार शर्मा बांलाक भाय सय्क ब्यवहारय् छ्यलय्मः धायो दिल ।

अथेहे जापानी भाय स्यनामि आमिर लिबीं भाय् सय्क उकिता ब्यवहारय् छ्यलय् फःसा बांलाई धायो दिल । अथेहे ख्वप नगरपालिकाया शाखा अधिकृत नपां तालिमया कजि विपेन्द्र प्रजापति विदेशी भाय सय्कः नेप: देया म्हासिइका पिब्य फःपुं नागरिक जुयमः धायो दिल ।

छात्रवृती परीक्षा

ख्वप नगरपालिकाया छात्रवृती काइपुं ब्वनामिपुं ल्यय्गु परीक्षा साउन १३ गते क्वचाल ।

शैक्षिक शत्र २०८०/८१ या लागिं ख्वप नगर दुनय्या ब्वनय्कुथि ११ गू व हिन्यगु तगिंख्य् छात्रवृती कायो ब्वनय्गु मति दःपुं ब्वनामि पिन्ता स्थानीय सरकारं सञ्चालन ऐन २०४७ सं ब्यवस्था याकाथं ब्वनय्कुथि १० प्रतिशत छात्रवृती वियमःगुलि ३२ प्रतिशत छात्रवृती सिफरिसया लागिं उगु जाच्च ख्वप नगरपालिका पाखं चाय्क तःगु ख्वप मा.वि. देकोचाय् केन्द्र तयो कःगुलि मुक्कं ७४ छम्हा मध्ये ६७४ म्हा सिन जाँच ब्यूगु जुल । उकी विज्ञान

ख्य् ३३९ म्हा, ब्यवस्थापनख्य् २८३ म्हा, शिक्षाख्य् १४ म्हा, मानविकी ख्य् १६ म्हा, कानुनय् २२ म्हा याडः मुक्कं ६७४ म्हासिन जाँच ब्यूगु खाँ ख्वप मा.वि. या प्राचार्य लक्ष्मी प्रसाद कर्मचार्य धायो द्यूगु खः । २०७५ सालय् निसें न्ह्याकः च्वांगु उगु परीक्षा दुजः पुं नेम्हा रविन्द्र ज्याख्व (९) उकेश कवां(७) नगरपालिकाया प्रमुख प्रशासकीय अधिकृत विजय कुमार शर्मा व शिक्षा शाखा प्रमुख कृष्ण प्रसाद कर्मचार्य पिसं स्वयो द्यूगु खः । थुकिया लागिं २०८० असार २५ निसें साउन ८ तक आवेदन वियगु ई तःगु खः ।

छात्रवृति वियगु खार्य जूगु बैठक

(२०८० साउन १ गते)



खुसीपिनिगु आत्मरक्षाया तालिम सं उप प्रमुख जोशी

(२०८० असार १ गते)



**ख्वप इंजिनियरिङ कलेजय अर्वान डिजाइनचा न्हूँपुं व्वनामिपिन्ता लसकुस
(२०८० साउन १ गते)**



वित आयोग्या एवसालय जूगु बैठक

(२०८० साउन ८ गते)

